

遺

愁

集

遺愁集卷之三

成都余 喬生生

鑒定

松陵顧有孝茂倫

古吳張貴勝晉侯纂輯

蔣 桔荆名 顧圖河書宣

顧 潛伊人 趙 淑叔子

友人

金 侃亦陶 吳 遷省齋 訂正

沈 亮無功 王庭珪上明

○○○一集卓識

非智不決非勇不斷見地既明使心不亂弗惑旁撓不爲衆

遊愁集

卷之三

一

炫○斬○絕○狐○疑○一○刀○兩○段○又○識○踞○其○巔○見○居○其○極○維○彼○聖○哲○有○
典○有○則○卓○爾○不○羣○邈○乎○無○匹○鑒○茲○明○了○長○人○智○衛○集○卓○識○

竟陵王子良好釋氏范鎮盛稱無佛子良曰君不信因果何得
有富貴貧賤鎮曰人生如樹花同發隨風飄散或拂簾幌墜茵
席之上殿下是也或闕籬墮落糞溷之中下官是也貴賤雖殊
因果何在

齊斛律金爲左丞子光爲大將軍門中一后二太子如三公主
每朝常聽乘步挽車至階或以羊車迎之金不以爲喜謂光曰
古來外戚鮮有能保其族者吾家當以勲勞致富貴何必藉女
寵也

王通累徵不起弟子問息謗曰無辨問止怨曰不爭又曰聞謗而怒者譏之困也見譽而喜者佞之媒也卒謚爲文中子

唐太史令傅奕請除佛法疏畧曰佛在西域言妖路遠漢譯胡書恣其假託使不忠不孝削髮而抗君親遊手遊食易服以逃租稅僞起三途謬張六道蕭瑀曰佛聖人也而奕非之非聖者無法矣曰蕭瑀不生于空桑乃遵無父之教非孝者無親上是奕言乃詔有司沙汰僧尼

魏徵勸建成早除世民不聽六月太白經天房玄齡勸世民行周公之事猶豫未決乃命卜之張公謹取龜投地曰卜以決疑事在不疑何用卜爲遂率長孫無忌等伏兵玄武門射死建成

尉遲敬德擊殺元吉高祖謂裴寂曰不圖今日乃見此事蕭瑀等因勸立世民上曰是吾夙心也世民召徵曰汝何離間我兄弟徵神色不變舉止自若從容應曰使先太子蚤從徵言必無今日之禍世民改容禮之

羣臣咸歸心太宗使魏徵之策果行唐祚豈能久遠乎

張蘊古上大寶箴畧曰壯九重於內所居不過容膝彼昏不知瑤其臺而瓊其室羅八珍於前所食不過適口惟任罔念丘其糟而池其酒上嘉納之

唐太宗嘗與侍臣論教化封德彝勸嚴法令魏徵勸行仁義上從徵言是歲斗米三錢外戶不閉行旅不賁糧取給於道路上

曰此魏徵勸吾行仁義之效惜不及令封德彝見之

狄仁傑巡撫河南以吳楚多淫祠奏焚一千七百餘所獨留夏禹吳泰伯季札伍員四祠

郭子儀入朝魚朝恩邀遊章敬寺元載恐其相結密間曰朝恩將不利於公子儀不聽將士請東甲盛衛以從子儀曰我國之大臣彼無天子之命安敢害我若受命而來汝曹何益乃從家僮數人輕騎而往盡歡而別

不惟有識而實有膽膽因識而愈大識因膽而愈高

唐以盧杞全平章事郭令公每見客姬妾不離側及杞來悉屏侍女或問其故答曰杞貌陋而心險類人見之必笑他日得志

吾族無噍類矣。

南道節度使柳公綽過鄆縣有二吏一犯賊一舞交衆謂必誅
犯賊者公綽判曰賊吏犯法法在姦吏亂法法在姦吏竟誅舞文者
宋太祖數微行或諫之曰帝王自有天命求不可得拒不能止
有天命者任自爲之

宋太祖微行每過功臣家一日大雪向夜趙普意必不出久之
忽聞叩門聲亟出視太祖立風雪中普惶恐拜迎讓重裯地坐
熾炭燒肉普妻行酒帝以嫂呼之因計下太原普曰太原既下
則邊患獨我當之不如削平諸國彼彈丸黑子將安逃遁上然
之撫膺大笑

宋徽宗十一王昭素爲國子博士問以治世養身之術對曰治世莫如愛民養身莫如寡欲太祖愛其言命書於屏几

宋曹彬總師伐唐太祖謂曰侯克李煜當以卿爲使相潘美等預賀彬曰不然尙有太原未平耳及還上曰本欲用卿奈劉繼恩未下姑少待之乃賜錢五十萬彬退曰人生何必使相好官不過多得錢耳

宋太宗開多寶塔費錢億萬計明錫上疏曰衆以爲金碧輝煌臣以爲塗膏藥血上笑而不怒

宋宦官王繼恩忌太子英明陰謀廢立太宗不豫李端問疾禁中見太子不在旁乃令吏趨入侍及帝崩皇后令繼恩詔端端

卽給入書室鎖閉之亟入宮奉太子卽位太子垂簾引見羣臣
端立殿下不拜請捲簾升殿審視然後率廷臣拜焉

宋丁謂與寇準善屢薦其才李沆曰顧其爲人可使之在人上
乎準曰如謂者終能抑之使在人下乎沆曰他日後悔常思我
言

李沆治第封丘門內廳事前僅容旋馬或言其太隘沆曰居第
當傳子孫此爲宰相廳事誠狹爲太祝奉禮舍則已寬矣

契丹侵澶州寇準談笑自如帝問之答曰陛下欲了此不過五
日願駕幸澶淵上有難色準固爭之乃決策焉帝至澶州司天
監言日抱珥黃氣充塞敵當不戰而退準乃請上過河衆議皆

懼唯高瓊是準言卽麾衛士進輦諸軍望見御蓋皆踴躍呼萬
歲聲聞數十里契丹氣奪帝幸行宮使人視準何爲準方與知
制誥楊億飲博歡呼士乃喜曰準如是朕復何憂卒成和議而
還

宋王旦每薦人人未嘗知諫議大夫張師德兩詣旦門不得見
意爲人所毀旦旦處安得有毀人者及議知制誥曰可惜張
師德向敏中問之曰屢于上前言師德名家子有士行不意兩
及吾門狀元及第榮進素定但當靜以守之若復奔競使無階
而入者當何如也

內侍任守忠乘英宗疾交構兩宮知諫院司馬光論之韓琦出

空頭勅一道。歐陽修已簽趙概難之。修曰：「第書之。」韓公必自有說。既而琦坐政事堂，召守忠數其罪，謫蘄州。安置取空頭勅填與之。即日押行。琦意少緩，恐生中變，人咸快之。

宋王安石執政，士大夫皆以爲得人。呂誨獨言其不可大用。將入對，司馬光密問所言何事。誨曰：「袖中彈文乃新參也。」光愕然曰：「衆喜得人，奈何論之？」誨曰：「君實亦爲是言耶？」安石好執偏見，聽其言則美，施於政則疎置之。宰輔天下必受其禍。疏入，出知鄧州。

宋神宗問司馬光曰：「王安石何如？」光曰：「人言安石姦邪，則毀之太過；但不曉事，又執拘耳。」及行新法，人都呼之爲「拗相公」云。

或謂李師中曰近見邸報包拯參知政事恐天下自此多事矣
答曰包公何能爲今知鄞縣王安石眼多白睛似王敦他日亂
天下者必斯人也

以呂大防爲皇后六禮使册孟氏爲后太后語帝曰得賢內助
非細事也旣而歎曰斯人賢淑惜福薄耳他日國有異變必此
人當之

宋太后高氏不豫呂大防范純仁等問疾后曰老身沒後必有
調戲官家者宜勿聽之公等宜蚤退令官家別用一番人乃呼
左右賜社飯曰公等各去哭一匙社飯明年社飯時當思量老
身也遂崩

張浚撫川陝之議未決監登聞院汪若海曰天下者常山蛇勢也秦陝爲首東南爲尾中原爲脊今以東南爲首安能起天下脊哉將圖恢復必在川陝浚大悅遂定議

宋高宗立建王瑋爲皇太子更名脊騎射翰墨皆絕人未幾遜位自稱太上皇退居德壽宮謂羣臣曰付託得人我無憾矣太子卽位嘗立馬殿廷以便騎射在宮輒携一漆杖因其有意中原故習勞至此

元耶律楚材爲相每以身利天下嘗言爲官長者興一利不若除一害生一事不若減一事世以爲名言

元世祖嘗令廉希憲受帝師八思馬戒對曰臣已受孔子戒矣

上曰孔子亦有戒乎曰爲臣盡忠爲子盡孝是也世祖善之
襄陽旣失汪立信進守江之策遣書以道以爲內郡何事多
兵宜盡出之江上距百里而屯屯有將十屯爲府府有督無事
則往來游獵有事則東西齊擊戰守並用此上策也否則許輸
歲幣以緩師期俟藩垣稍固主兵日增可戰可守此中策也二
策果不得行則天敗我矣若銜壁與櫬之禮請備以俟似道大
怒斥之於地乃中以危法廢之及三學生與羣臣上疏謂非師
相親征不可以道不得已乃自將出師召立信爲招討受詔卽
日就道相遇於蕪湖似道撫其背曰不信公言以至於此至建
康守兵悉潰四面皆元師知事不成乃率所部數十人退至高

郵欲控引淮漢以爲後圖

天順中朝廷好寶玩中貴言宣德時嘗遣太監王三保使西洋
獲奇珍無算上命使至兵部查三保至西洋水程時劉大夏爲
郎官尚書項忠令都吏檢校牒劉先檢得匿之吏不得復令他
吏再檢項詰曰署中文牘焉得失去欲責治之劉微笑曰昔下
西洋費錢穀數十萬軍民亦死萬計此一時弊政牘卽存尚宜
毀之以拔其根猶追究其有無耶項悟聳然揖謝復指其位曰
公達國體且有陰德此座不久屬公矣後劉果至大司馬
宋王德用爲定州總管日夜訓練士卒人皆可用會契丹有謀
者來謁武請捕殺之德用曰第令之吾正欲其以實還告

百勝不如不戰而勝也。明日故大閱士，悉踴躍思奮勇氣十倍。乃佯下令具糗糧，聽吾旗鼓所向。覘者歸告，謂漢兵且大入，遂成和議。

樂羊子出遊學，期年而返。妻問其故，曰：「久客懷思耳。」妻乃引刀截絳衣，言曰：「此織自一絲而累寸寸，而至尺至丈，以迄成疋。今若斷其機，則前功盡捐矣。」羊子悟，七年不歸。卒業始還。

太原被圍，李克用數敗發窘。大將李存信勸且入北邊，以圖後舉。劉夫人聞之，罵曰：「代北牧羊奴，何足與計成敗？」公嘗笑王行瑜棄邠州走卒爲人所擒，乃今欲躬蹈之耶？公昔走韃靼，幾不能脫，賴天下多故，始得南歸。今屢敗之，兵人無固志，再一失

守誰復從公者克用悟遂止

晉王衍爲尚書令樂廣爲河南尹皆尚清談衍少時山濤見之
嘆曰何物老嫗生此寧馨兒然壞天下者必此人也

宋李先則嘗宴軍而甲仗庫火先則不爲動仍作樂飲酒不輟
少頃火熄密遣吏持檄瀛州以茗籠運器用不浹旬軍械完足
人無知者樞密院請劾不救火狀真宗曰先則必有說姑使詰
之對曰兵械所藏火微甚嚴方宴而焚必姦人所爲欲乘機竊
密若令宴往救則墮其計事反不測人服其識

契丹來求納地宋仁宗許贈歲幣遣富弼爲報聘使初往聞一
女卒再往聞一男生皆不願得家書不啟封輒焚之曰此徒亂

人意也。

宋程明道同弟伊川偶赴一士夫宴有妓侑觴伊川見之拂衣
起去明道盡歡而別次日伊川過明道齋慍猶未解明道曰昨
日座中有妓吾心中卻無妓今日齋中無妓汝心中卻有妓伊
川作服。

宋主遣王玄謨等伐魏沈慶之曰治國如治家排當問奴織當
問婢欲伐人國而與白面書生謀之事何由濟不聽師出果敗
宋曹瑋久在秦州累章求代上問王旦誰可代者旦薦李及衆
疑及雖謹厚非守邊才韓億以告旦旦不答及至秦州將吏亦
心輕之會有禁軍白晝掣旗人頭上銀釵于市吏執以聞及方

坐觀書召之前畧加詰問其人服罪及不復下吏亟命斬之號
令通衢復觀書如故將士驚服不日聲譽達於京師億聞之見
且道其事且稱其知人之明且笑曰成卒爲盜主將斬之此事
之常何足爲異且之用及非爲此也夫以瑋知秦七年羗人畏
服所處邊事悉已盡宜他人若往必矜其聰明多所變置敗瑋
成績所以用及者但以及重厚必能謹守其成規也後及聲名
果與瑋齊

建文初燕王來朝卓敬密奏曰燕王狀貌不凡智慮過人酷類
先帝北平者强悍之地金元所由興宜徙之南畧以絕禍本夫
萌而未動者幾也量時而爲者勢也勢非至勁莫能斷幾非至

明莫能察建文覽奏大驚語敬曰燕咫尺骨肉至親卿何待言及此敬曰楊廣隋文非父子耶建文默然

歐陽池係嫡子兩兄皆庶出父析產欲厚嫡池妻馮氏請曰嫡庶子爲父母服有差等乎父曰無異馮曰服無差等財產豈可有異應均分爲宜父嘆服從之

陳省公曰武士無鹵莽氣書生無寒酸氣女郎無脂粉氣山人無煙霞氣僧道無香火氣必須換出一番境界便爲世上不可少之人

一○等○樣○人○便○有○一○等○行○徑○予○嘗○謂○文○人○無○撒○腳○氣○商○賈○無○市○井○氣○清○客○無○篋○片○氣○胥○吏○無○公○門○氣○方○爲○不○惹○厭○人○亦○是○意○

歟

歐陽公問一僧曰古之高僧有去來脩然者何今世之鮮也僧
曰古人念念在定慧臨終安得而亂今人念念在散亂臨終安
得而定公深然之予曰靜春劉子澄朱文公高弟也病革周益
公推之云子澄澄其慮靜春開目微視曰無慮何澄言訖而逝
卽此意歟

朱溫父誠以五經教授鄉里號朱五經溫爲節度使其母王氏
一何知吾猶傭食於蕭縣劉崇家始迎以歸溫奉觴爲壽啟曰朱五經平
生讀書不登二第有子爲節度無忝先人矣母惻然曰汝能知
此可謂英特然行義恐未必如前人也

古人云求忠臣於孝子之門○未○溫○既○恐○鄰○薄○其○父○安○有○不○肖○
負○其○君○者○母○已○蚤○知○此○子○必○然○作○賊○其○識○卓○矣○

謝○天○瑞○曰○余○嘗○論○儉○於○聽○可○以○養○虛○儉○於○視○可○以○養○神○儉○於○言○
可○以○養○氣○儉○於○私○可○以○獲○福○儉○於○公○可○以○保○貴○儉○於○門○閭○可○以○
無○盜○賊○儉○於○裝○衛○可○以○無○叛○亂○儉○於○官○職○可○以○無○姦○佞○儉○於○嬪○
嬙○可○以○保○壽○儉○於○心○可○以○出○生○死○是○以○知○儉○之○一○字○乃○爲○萬○化○
之○根○本○仲○尼○氏○曰○與○其○奢○也○寧○儉○有○以○也○夫○

余○嘗○推○而○廣○之○謂○居○家○處○世○宜○悉○本○於○儉○儉○於○交○可○以○寡○怨○
儉○於○口○可○以○免○禍○儉○於○服○飾○可○以○惜○福○儉○於○飲○食○可○以○養○胃○
儉○於○嗜○慾○可○以○延○生○儉○於○日○用○可○以○免○空○乏○儉○於○應○酬○可○以○

減馳逐儉於奔走可以節勞碌儉之爲用大矣哉

漢武帝徙姦民居茂陵軼人郭解關東大俠也亦在徙中乃致衛青言於上曰郭解家貧恐不中徙上笑曰解一布衣權能使大將軍爲言此其家不貧卒徙之

裴度在中書方宴集左右忽自失印度飲笑自如毫不爲動頃之復自於故處得之度亦不應或問其故曰此必吏人盜之以印書券耳急則投之水火緩則復還原處人服其識量

北史善識倚伏之幾每日福兮禍所倚禍兮福所伏一日馬亡入胡人弔之翁曰安知非禍乎後馬偕駿馬而歸人賀之翁曰安知非禍乎其子果以試騎折股人復弔之翁曰又安知非禍

乎。迨後出兵選壯丁其子以跛故竟得免。

宋治平中邵堯夫雍與客散步天津橋聞杜鵑聲慘然不樂曰洛陽舊無杜宇今始至天下將治也氣自北而南將亂自南而北今南方地氣至矣禽鳥飛類得氣之先者也不二十年上必用南人作相多引川南士專務變更天下自此多事矣。後神宗朝果用王安石呂惠卿等以致亂。

裴度未第時羈跡洛中策蹇驟上天津橋時淮西不庭已數年有二老人倚柱語曰蔡州何時得平及見度愕然曰適憂蔡州須待此人作相僕聞以告公笑曰彼見我龍鍾聊相戲耳何足爲言。後憲宗時果爲相平淮西封晉公。

後漢十四年魏張掖柳谷口水溢山石負圖其狀若龜有文曰
大討曹詔頒天下以爲嘉兆張臻曰此當今之怪異將來之符
瑞也

憂翁者江陰巨族嘗舟行過市橋一人擔糞傾入船中濺及翁
衣看其人乃舊識也僮輩大怒欲登毆之翁曰此出不知耳知
我寧敢犯乎因好言遣之及歸查閱債籍此人乃負三十金無
償欲因是以求死遂以詐翁翁爲之毀券其人無嫌可乘竟彌
其禍

長洲尤翁開錢典歲底開鋪中閤聲出視則鄰人也司典者下
曰其將衣質錢今空手來取反出詈語天下有是理乎翁見其

人○仍○悍○然○不○遜○乃○論○之○曰○我○知○汝○意○不○過○爲○慶○新○年○計○耳○此○小○事○何○以○爭○爲○命○檢○原○質○得○衣○帷○四○五○事○翁○捐○絮○衣○云○此○絮○寒○不○可○少○又○指○道○袍○云○此○與○汝○拜○年○用○他○物○非○所○急○似○可○暫○也○其○人○得○衣○二○件○且○見○主○人○和○厚○遂○默○然○而○去○是○夜○竟○死○於○他○家○添○訟○經○年○家○爲○之○破○此○人○因○負○債○多○已○服○毒○歟○尤○翁○可○詐○特○來○尋○釁○緣○不○與○較○無○可○生○波○則○移○于○他○姓○耳○或○問○翁○何○以○預○知○其○謀○而○悉○之○翁○曰○凡○非○理○相○加○其○中○必○有○所○恃○小○人○所○恃○者○命○而○已○小○不○忍○則○受○其○禍○聞○者○嘆○服○

唐○開○元○中○張○九○齡○爲○中○書○令○范○陽○節○度○張○守○珪○奏○裨○將○安○祿○山○頻○失○利○送○戮○於○京○師○九○齡○批○曰○穰○苴○出○軍○必○誅○莊○賈○孫○武○行○法○

亦斬宮嬪守珪軍令若行祿山不宜免死及到中書與語久之
復奏云祿山具有反相宜速斬之以絕後患玄宗曰卿勿以王
夷甫識石勒之意設害忠良更加官爵放還本道至武德初玄
宗在成都思九齡之言制贈司徒遣使致祭

有富民張老者無子妻生一女贅壻於家妾後生一子名一飛
育四歲而張卒方病時謂壻曰妾子不足任吾家資財當畀汝
夫婦爾但養彼母子不死溝壑卽陰德矣于是出券書云張一
句非吾子也句家財盡與吾壻句外人不得爭奪句壻大喜據
張業不疑後妾子壯告官求分壻以券呈遂置不問迨奉使者
至妾子復訴壻仍前赴譴奉使者曰爾翁明謂吾壻外人爾何

敢爭其美耶乃更其案曰云張一非句吾子也利家味盡與句
吾婿外人句不得爭奪句龍飛爲非者慮子幼恐爲汝害耳於
是盡辭給妾子里黨莫不稱快

解得甚通昔有人至一友家忽遇雨主人戲曰雨落天留客
一天留人不留答曰敝處另一念法雨落天句留客天句留人
不句留句主人大笑飲之亦甚有趣附佐一笑

晁錯勸削七國父曰汝削諸侯口多怨汝錯曰不如此天子不
尊宗廟不安父曰劉氏安矣晁氏必危遂飲藥死曰吾不忍見
禍逮身也及後果以此致禍

雜云乃父有卓見然爲國亡家亦是臣子分內事勿輕議之

司馬楚之督軍柔然欲擊之俄而軍中有告失驢耳者楚之日
此必賊遣姦人人營覘伺割以爲信耳賊至不久宜急爲備乃
伐柳爲城以水灌之城甫立而柔然兵果至時正天寒冰堅滑
不可攻遂散去

宗澤以計卻金人念敵衆十倍於我今一戰而退勢必復來使
悉其鐵騎夜襲吾營則危矣乃乘暮疾徙金果夜至見止空營
大驚而退

有客至昭烈所談論甚愜忽諸葛入客遂起如廁備封亮誘客
亮曰觀其色動而神懼視低而盼數邪形外漏姦心內藏必曹
氏之刺客也備不信急使人追之已越牆而遁矣

劉裕伐南燕師過岷山燕兵不出裕喜左右曰公未見敵而先喜何也裕曰兵已過險士有必死之志餘糧棲敵人無匿乏之憂彼已入吾掌中矣遂大敗燕師

宋寇準自青州還請立儲貳太宗曰壽王可乎準曰知子莫若父聖慮既當乞蚤決定遂以元僖爲開封尹

明劉基幼聰明長而天文兵法無不洞悉嘗偕友遊西湖有異雲起西北諸人皆以爲慶瑞賦詩頌美基獨縱酒不顧大言曰此天子氣也十年後有王者興應在金陵我當輔之衆駭以爲狂後果佐明太祖定天下封誠意伯

漢文帝酷幸慎夫人宮中嘗與后同席坐及幸上林布席袁盎

通鑑卷之三
引卻愼夫人席愼怒上亦怒益曰臣聞尊卑有序則上下和睦
陛下獨不見人彘乎上悟大悅賜金五十斤

宋王作浙東寺備極壯麗曰此是我大功德虞愿曰此皆百姓
賣兒貼婦錢所爲佛若有知當慈悲哀愍罪高浮圖何功德之
有宋王怒使人驅之下殿

張晉爲刑部時民有與父異居而富者父夜穿垣將入取貲子
以爲盜也矚其入撲殺之取燭驗視則父也鄰里呈于縣官官
議子殺父不宜縱而實非盜不知其父又不宜誅獄久不能決
晉則贖奮筆批曰殺賊可恕不孝當誅子有餘財不養其父而
使父貧爲盜不孝甚矣豈得以誤殺之律寬之竟坐以弑父例

人以爲當

明韓雍宣撫江右時忽報寧府之弟某王至公托疾乞少霽密遣人馳召二司至且索白木几一張始旬旬拜迎王入具言兄叛狀公辭以疾賸莫聽王索紙左右昇几進王詳書其事而去公以上聞朝廷遣使按無跡時王兄弟復相歡諱無言使還白乃坐雍以離間親王罪械至京公乃上木几親書方得釋

梅少司馬國禎制岡三鎮有人言於河中得傳國璽以黃絹印其文頂之於首詣轅門獻之乞公題請公曰璽未知真假俟取來閱實當爲汝其人謂累世受命之符今爲聖朝而出乃非常之瑞若奏聞上貢必有破格封賞稿非所望也公笑曰寶源局

自有國寶此璽卽眞無所用之吾不敢輕賣上聽念汝美意命以一金爲賞并還其絹其人大失望號泣而去或問公何以不爲奏請公曰王孫滿有言在德不在鼎况此人視爲奇貨若輕以上聞益挾以爲重萬一聖旨徵璽而璽不時至眞以封爵購之乎

石勒不學常持酒使人從旁讀漢書至酈食其勸立六國後大驚曰此法當失何以竟得天下及聞張良諫乃曰賴有此耳遂飲一大卮

明成化時東宮內官覃吉溫雅篤誠輔道維正嘗言我老矣安望富貴但願得天下有賢主足矣上嘗賜太子五莊吉日天下

山○河○皆○爲○主○有○何○以○莊○爲○徒○勞○民○傷○財○爲○左○右○取○利○竟○辭○之○東○
宮○嘗○呼○爲○老○伴○而○不○名○一○日○偶○念○高○里○經○而○吉○適○至○驚○曰○老○伴○
來○矣○卽○以○孝○經○自○携○吉○跪○曰○殿○下○得○無○念○經○乎○曰○否○讀○孝○經○耳○
其○敬○畏○如○此○

漢○沛○郡○有○富○民○家○資○二○十○餘○萬○子○纔○三○歲○卽○失○其○母○有○女○適○人○
甚○不○賢○翁○病○篤○爲○書○遺○囑○悉○以○家○財○屬○女○但○付○劍○一○口○云○兒○年○
十○五○可○以○還○之○其○後○并○劍○不○與○兒○請○郡○陳○訴○太○守○何○武○錄○女○及○
胥○省○其○手○書○顧○掾○吏○曰○此○人○因○女○性○強○梁○胥○復○貪○鄙○畏○殘○害○其○
子○又○計○兒○得○此○財○不○能○全○護○故○且○與○女○實○命○守○之○耳○夫○劍○者○所○
以○示○決○斷○限○年○十○五○度○其○子○智○力○足○以○自○居○又○度○其○女○必○不○復○

還其劍。當關州縣得見申轉。其思慮深長。良可憐憫。乃悉奪其財。與兒判曰。逆女惡壻。溫飽數年。亦已幸矣。應加重懲。姑念撫育多年。免究。聞者大服。

齊高歡子洋。內明外晦。衆莫之知。歡獨異之。曰。此兒智慮過人。他日必成吾志。一日歡欲試諸子意識。使各理亂絲。衆方經治。洋乃引刀斷之。曰。亂者必斬。歡益奇之。

張詠知杭州。有富民病將死。其子止三歲。乃命其壻王家贊。且遺以券約曰。他日分財以十之三與子。而七與壻。其後子長。心不甘。訟之。壻乃持交書請府申訴。詠閱訖。以酒酌地曰。爾頗貧。眞智人也。時因子幼。故誓以其業屬汝。不然子必死。汝子矣。乃

以三與婿而子與七

金主亮南侵王權師潰昭關帝命楊存中就陳康伯議欲航海
暫避康伯延入解衣置酒縱博暢飲帝探知之稍得自寬明日
入奏日聞有勅幸海趨閩者審爾大事去矣盡靜以待之一日
帝降手詔曰如敵未退且散百官康伯卽焚其詔始進見曰百
官若散主勢愈孤設有不虞誰與共事帝意乃堅于是勸駕親
征

宋英宗初宴駕詔太子急未至手忽復動曾公亮驚愕亟告韓
琦欲止勿召琦拒之曰脫先帝復生乃一太上皇耳愈促趨人
宋王荆公奏議裁損宗室禮數宗子相率馬首陳狀云均是宗

廟子孫那得不看祖宗情而荆公厲聲曰祖宗親盡亦祧何況賢輩

南昌祝知府以廉能名寧王府有鶴爲民犬咋死卒訟之曰鶴有金牌乃出御賜何物姦民縱犬踏死公判云鶴帶金牌犬不識字禽獸相傷與人何事竟縱其人不問

漢酈食其勸王立六國後令趣刻印張良入諫曰願借前箸爲大王籌之設令六國皆有後人各自爲其主大王誰與其取天下乎王方食急吐哺罵曰豎儒幾敗乃公事命趣銷印

大順初兩廣亂命韓雍討之師次大藤峽道甚狹旁夾水田忽有里老儒生數百人持香跪迎曰我輩苦賊久矣今幸天兵至

得爲良民。願請爲前部公遽叱曰：是皆賊也。爲我縛而斬之。左右猶疑。既執。搜袂中果出利刃。乃悉斷頸項。截手足。剝腸胃。分掛菁棘中。累累相望。賊駭嘆以爲神異。遂大沮喪。

宋范仲淹考選監司。取班簿視不才者。一筆勾之。富弼曰：一筆勾之甚易。焉知不一家哭乎。仲淹曰：一家哭何如一路哭耶。遂悉罷之。

洪武時青州民江伯兒。以母病割肉食之。不愈。乃禱於岱嶽誓云：母愈則殺子以祀。已而病果痊。竟殺其三歲子。祭之事聞上。怒曰：父子天倫。禮父爲長子。三年服。今無故賊殺其子。絕性滅理。命捕治之。勿使傷壞風化。遂逮伯兒杖一百。謫戍海南。

此是正理看此則知無故而溺殺子女者比殺人之律罪應加等

高崇文擒劉闢送京師闢有二妾皆殊色監軍請獻之崇文曰天子命我討平兩豎當以撫百姓爲先達納婦人以求媚義不忍爲此卽以配將吏之無妻者

蜀使諸王領軍翰王宗鼎日親王典兵致亂之本今主少將強讒間將興繕甲訓兵非吾輩所宜也固辭不受但營書舍植栢以自娛

蔡元定生而穎異聞朱熹名往師之熹叩其學大驚曰此吾老友不當在弟子之列及熹罷元定亦被竄從遊者餞之坐客泣

嘆元定不異平時嘉州然曰友朋相愛之情乎過不挫之志可
謂剛矣○至春陵徒衆目繁或謂宜謝遣生徒元定曰若有禍
患亦非閉門塞竇所能避也又嘗貽書訓子云獨行不愧影獨
處不愧衆勿以吾得罪爾遂辭其志學者稱爲西山先生

劉生居衡嶽或貽以袍數日服褐如初或問之曰吾嘗日出菴
門不掩歸就寢戶不扃自得袍後出入繫念心常營營殊不自
適始悟一袍亂我方寸如此不幾爲所累乎

河南太守嚴延年陰鷙酷烈號曰屠伯母見其論囚大驚曰天
道神明人不可過殺不意將老將見長子被刑也遂去歸歲餘
果爲府丞以誹謗上告坐不道棄市

明英宗六年蘇州府學廟像歲久剝落或欲修飭太守林鶚奮然曰聖像非旨太祖易大學木主百年習俗乃革彼未壞猶宜毀之今遇其壞易之何不可或以毀聖像爲疑鶚曰此土泥耳豈聖賢耶遂易之於是并兩廡從祀諸賢皆爲木主

國朝橙墩豪邁好客一日設宴忽失金杯家人四覓有愛妾蘇氏誑曰杯已收貯不須尋矣及客散語公曰杯實失去尋亦不得公平日愛客任俠豈可因一杯故令名流各懷不安致失歡洽乎公稱善

遺愁集卷之三

○○○一集交誼

一死一生乃見交情○一貴一賤交情乃見死生不移貴賤不
變○才足久要○古今堪羨○集交誼○

越人歌○三人欲訂爲朋○乃先築壇以丹雘○白犬歃血其盟曰○君
乘車○我戴笠○他日相逢○下車揖○我擔簦○君跨馬○他日相逢○馬須
下○

欲要訂交○須不存貴賤榮辱之見○方能爲長久計○今人一味
是勢利交耳○視此可爲一鑑○

廉頗以藺相如位出已右○心甚不平○每云我見必辱之○相如路

遇輒引避左右以爲恥相如云強秦所以不敢加兵于趙者以我兩人在若二虎共鬪必有一傷我所以讓之者乃先國家而後私讐也頗聞之深自愧服爲肉袒負荊踵門請罪相如卽出迎與之盡歡遂定爲刎頸之交終身不貳

大丈夫作事旣已說明卽便永釋不似今人稍有嫌隙遂致終身芥蒂

宋韓億李若谷未遇時俱貧甚同途赴試京師共一毯一席每謁人更相爲從李先登第授許州長社主簿之官自控妻驪韓爲負一箱將至縣三十里許謂韓曰恐吏卒見之不雅相應作別計篋中止有錢六百文卽以其半遺之相持大哭而去

後漢廉范與慶鴻始亦有隙鴻乃效葡相如法每自遜讓范心甚慚亦效廉頗故事請門負罪彼此相歡時人稱曰前有廉聞後有廉慶

漢馮異朝京師光武謂公卿曰是我起兵時主簿也賜以珍寶衣服錢帛詔曰倉卒蕪蕪亭羹粥滹沱河麥飯厚意久不報異拜受謝曰願國家無忘河北之難小臣不忘巾車之恩

南史宋季雅羅南康市宅鄰于呂僧彌僧彌問價幾何答曰一千一百萬呂怪其太貴雅曰一千買宅百萬買鄰

唐憲宗時柳宗元除柳州刺史劉禹錫除播州刺史宗元曰播州非人所居而禹錫母老萬難俱往欲請于朝以柳易播裴度

聞之因諫曰陛下方侍太后恐禹錫在所宜矜上曰裴度愛我忠切遂得改連州

俞伯牙聘於楚中秋夜泊舟江渚雨過月明撫琴自遣忽而絃斷使人登岸巡檢值鍾子期採樵暮歸臨崖竊聽因呼入舟中與論琴意知其志在高山流水伯牙大喜遂與訂盟約以明秋來訪贈以金帛勸之力學子期謝歸明春病卒伯牙至期果復來會知鍾已死一慟幾絕乃親詣墓前撫琴致弔哭畢琴爲之碎遂終其身不復鼓

猝然相遇遽訂終身忽焉驟死無復知音撫琴憑弔煞有餘情生死異路益見交深遐思古人良獲我心嗚呼向來格

來歆

戶書王繼津與楊繼盛同年椒山之勃嚴嵩也以疏示王曰死矣第幼子未卜婚王曰卽如君言吾以弱息字公子椒山死王女果歸楊氏嵩恨之未及中傷而敗乃得免

明嘉靖中兵科給事石星以論事忤旨命廷杖削籍上怒甚親御五鳳樓潛察杖者欲致之死友人工部郎中穆文熙恐其杖楚先以義白繼帥而身自具蔽星閣人共誓絕不顧痛且誓且掖以出因得不死卽解官調護而歸

世人大都作勢利交耳兩公獨能于死生患難之際踐言効力方是真交誼方爲真古人然亦見端人取友必端之一証

宋范仲淹遣子堯夫詣姑蘇索麥五百斛還舟次丹陽見故人石曼卿曰三麥在淺土欲葬而北歸無可與謀者堯夫卽以麥連舟贈之單騎到家文正曰東吳曾見故舊乎答曰見石曼卿三麥未舉留滯丹陽公曰何不以麥舟與之答曰已付之矣公喜稱善

○急○人○之○急○卽○是○先○天○下○之○憂○而○憂○也○更○難○得○其○父○子○同○心○耳○
○以○此○待○故○人○方○爲○真○故○人○

石首王之誥與張江陵連姻觀其日橫力辭歸江陵幾浹時眷屬謂一空室中棗餼不至公獨載一舟資薪米魚菜以給之曰彼有罪與否我不敢知聊以盡姻戚情耳是時衆方擲臂不顧

遺愁集卷之三

○○○一集知恩

一飯不忘一豚必報德不在大惠不在小彼雖不望我終不
了千金相贈纔爲厚道集知恩

漢王成爲李固門人遇之特厚固難作子熒年十二姊文姬匿
之謂成曰君執義先公今以三尺孤委君李氏存滅其在君矣
成將變姓名爲酒家傭而自買卜於市陰相往來梁冀伏誅
熒已二十餘乃出及成卒熒厚禮葬之每四節設上賓之位以
祀焉

成能報固熒亦能報成可謂知恩報恩者矣人世中豈易多

得

晉孟玖既殺陸機復收陸雲孫拯下獄獄吏掠拯數百兩股見
骨終言機冤拯門人費慈率意詣獄明拯冤拯遣之曰吾義不
負二陸死自我分卿何爲乃爾耶對曰君旣不負二陸僕又安
可負君固言拯冤玖并殺之

戰國時有某將撫字一義女長而嫁之後與敵戰將敗見一老
翁步步結草敵馬不能前乃得免因問老翁有何恩而救我答
曰某卽義女之父感公撫養故特結草以相報耳欲更詢之忽
不見

蕭道成欲引謝朓參佐命乃與論晉魏故事因曰石苞不蚤勸

晉文死而慟哭方之馮異非知幾也。臆曰：晉文世事魏室，必得終身北而借使魏行唐虞故事，亦當三讓彌高，道成默然不悅。寇準卒於雷州，歸葬西京道山荆南公安縣人，皆設祭於路，折竹植地以掛紙錢，踰月枯竹盡生。筭衆因立廟建祠，號竹林寇公祠。

孟宗一哭冬月生笋，此以孝感天也。寇公歸葬枯竹發芽，此以忠動地也。總是精誠凝結所致。

宋以蘇軾爲翰林學士，召見便殿。太皇太后曰：卿今至此，先帝意也。先帝讀卿文章，必嘆曰：奇才奇才！但未及進用卿耳。軾聞之不覺哭失聲。太后與帝亦泣下，已而命坐，賜茶及宴。夜分撤。

御前金蓮燭造內侍送歸院。

楊寶少時遊於郊外見一黃雀爲彈所傷携之歸養於巾箱日採黃花飼之愈而飛去歲餘乃銜玉連環一雙來謝夜夢神語曰俾君爲三公已而果然。

此非養一黃雀遂能獲報如是總之其好生惡殺之念觸處皆然畢生培德莫有涯際所謂舉一可知其他也。

宗澤爲東京留守有王善者河東巨寇也澤車騎至其營泣謂之曰朝廷當危難之時使有如公一二輩豈復有敵患乎今日乃汝立功之秋不可失也善感泣遂解甲降又招服諸賊結連兩河豪傑及忠義民兵咸聽澤節制。

劉道真微時嘗漁澤中善歌嘯有一老姬識其非常乃殺蠶進
之道真食立盡了不謝姬見不飽又進一豚食半而去後爲吏
部郎姬兒爲令史特超用之不知其故歸以告母母爲具道始
末

章郇公得象之高祖建仕王氏爲刺史號章太傅夫人陳氏智
識過人當出兵有二將後期欲斬之夫人置酒餽美姬以進太
傅歡飲盡醉乃密釋二將使之去二將奔南唐後爲將攻建州
時太傅已死夫人猶居焉二將遣使厚以金帛遺贈夫人且以
白旗一面授之曰吾且屠城夫人可植此爲識當戒士卒勿犯
夫人乃返其金帛遣人謂曰君幸思舊德顧全合城性命倘必

欲屠之吾家願與衆俱死不忍獨生也二將感其言遂止城賴以完

韓信微時貧不能自食釣於淮水有漂母者知其不常乃飯信信曰我必報母母曰我哀王孫而進食敢望報乎及信佐漢封淮陰侯以千金謝之官其子爲都尉

明陳僊敎公鑑爲都御史巡撫陝西用法寬平臨事簡易數年間雨暘時若年穀屢登民信愛之以其美鬚髯呼之爲鬚子孫嘗以議事入朝民訛爲代遮道懇留者數萬計路不能行公諭以故始稍散去及復來焚香迎候者亦然民父母及身有疾發願爲昇公轎則不事醫藥輒愈一出行臺人爭昇之至於摔段

此是何故

雖之不能止及公去咸圖其像以奉香火數年不絕

明所部水公被論時有天寧寺僧明惠年八十六歲每日焚香
誦佛祝曰吾聞二百年來未嘗有如是令乃幸有是令而忍以
其語去耶過呼衆僧號於佛前一時傳爲奇事

蜀漢南蠻雍闓反諸葛亮率師擊斬之其黨孟獲復收闓餘衆
拒亮亮募生致之既得復縱由是七擒七縱燒其藤甲軍殆盡
始服其心獲曰丞相天威也南人不復反矣果終亮之世永不
復叛

明楊文定公溥在閩時于從石首來簡言所過州縣官送送餽
遺之勤惟江陵令范理頗不爲禮溥心異之廉知其賢薦知德

安府尋擢貴州布政使勸宜致謝理曰宰相爲朝廷用人豈有私於理及聞溥卒乃祭而哭之以謝知已

遺愁集卷之三

○○一集名心

名藉以成身賴以生成我之恩與生我等逆謀反噬狼子野心你道是誰卽中山君集負心

安祿山陰蓄異謀以上待之厚欲俟其宴駕然後作亂會楊國忠屢言且反上不聽乃數以事激之欲其連反以取信已言祿山遂反於范陽報至舉朝失色獨國忠揚揚有德色

丁公爲項王將逐沛公甚窘短兵相接沛公急顧曰兩賢豈相厄哉丁遂捨之還及卽位來謁乃以殉軍中日丁公爲楚將不忠致項王失天下遂斬之曰使後世人臣無效丁公也

上衍爲司徒、乃以弟澄爲荊州都督、敦爲青州刺史。語之曰：「荊州有江漢之固，青州有負海之險，卿二人在外，而我居於中，足以爲三窟矣。」

夷甫身爲三公，不思盡忠報國，徒作狡謀以自固，負心甚矣。馮驩有言：「狡兔有三窟，僅得免其死。」王公竟不得脫排牆之殺三窟，何爲？

侯景復叛，攻陷臺城。武帝嘆曰：「自我得之，自我失之，弟復何恨？」俄而景見帝于太極東堂，帝神色不變，景不敢仰視。渚流被面，退謂人曰：「吾嘗跨鞍對陣，矢石交下了，無怖心。今見諸公使人，自惜豈非天威難犯，吾不能再見之矣。」是後梁主所求不遂，餓

守臺賊王綸因上鵠子百枚時憂憤成疾口苦渴求蜜水不得再曰荷荷遂殂

唐王千秋節置酒會宴晉國長公主薛歸晉陽唐王醉曰何不且留遂歸欲與石郎反耶主還告敬瑄疑畏乃稱臣于契丹約同入寇唐王懼羣臣咸勸北行唐王曰卿輩勿言石郎使我心膽墮地

宋太宗親征太原德昭從軍中嘗夜驚不知帝所在有謀立德昭者會知帝處乃止帝聞不悅及還汴故久不行太原之賞德昭以爲言上大怒曰待汝自爲賞未晚也德昭懼退而自刎上佯驚悔往抱其尸哭曰痴兒何至此耶

呂大防稱楊畏敢言且先密約其助已乃超遷畏爲禮部侍郎○
○○小○人○大○部○如○此○所○以○若○卡○畏獨首叛大防上言神宗更法以垂萬世乞蚤講求以成紹述○
之道并疏章惇呂惠卿等以進大防不勝其憤上疏力諫遂貶○
謫虔州安置○

金使銀木可來歸地定盟許以幽燕之境與宋會左金吾獻詩○
云○君○王○莫○聽○捐○燕○議○一○寸○山○河○一○寸○金○故○金○人○欲○背○初○約○要○求○
不○已○王○黼○等○欲○功○之○速○成○遂○遣○趙○良○輔○往○於○遼○人○舊○幣○四○十○萬○
之○外○每○歲○更○加○燕○京○代○稅○錢○一○百○萬○緡○金○乃○如○約○而○子○女○財○帛○
搜括一空宋僅得空地○

都指揮使王佐掌錦衣象而陸松副之松子柄年弱冠佐深器

其才貌教以愛書公移之類曰錦衣帥不可不精刀筆炳甚感
德焉及松死炳代父職有寵於上旋亦掌篆威勢益盛會佐率
庶生子不肯日縱飲博有別墅三極其壯麗炳已計得其二存
一更精雅炳復圖之不克乃陷以狎邪中法先捕其黨并不才
奴一二使證其罪而後擒之死杖下者數人佐子甚窘子之母
名亦在捕既入對炳方與同僚列坐多張刑具而脇之其子方
抗母乃膝行而前道其子罪極詳子呼曰兒死已在頃刻母忍
助虐耶母叱曰死即死耳尚復何說因指炳坐而顧子曰爾父
坐此非一日矣作此等事應亦非一致生汝不肯乃天道也夫
復奚言僚佐皆驚嘆炳頗不覺發赤汗下僞爲旁視趣遣之出

其事遂寢

臨淄妓馬翹兒能新聲善琵琶以計脫假母徙居海上更名王翠翹倭寇江南掠之而去寨主越人徐海號明山和尚絕愛幸尊爲夫人凡一切計畫唯翹所使翹亦陽暱之實陰幸其敗與得歸國會督府胡梅林名宗憲遣華老人招之降海怒欲殺之翹諫曰降不降在君何預來使事乃親解其縛而贈之金且勞之以示意華亦海上人故識翹不敢泄歸告曰賊未可說第所幸王夫人似有外心可藉以圖胡曰善更遣羅中軍同老人再往而陰以金珠賄翹翹因極言大事必不可成江南亦苦其久不如降且可得官終身共享富貴海計遂決督府乃整兵佯進

直逼海寨。海信翹言不爲之備。突入斬海首而生。致翹凱旋。設

○待翹便養

大饗於轅門。令翹歌以行酒。諸叅佐皆起爲壽。胡酒酣。心動。降

○曉過功高同惡已輕矣

階與戲。夜深遂與及亂。明日悔之。仍以翹功高。不忍加害。乃以

賜所調永順酋長。翹與渡錢塘。泣嘆曰。明山遇我厚。甚我以國

事誘殺之。且圖歸老。不意戮一首。更屬一首。復何面目。生世間

○元○得○存○其○

乎。夜半竟投江死。後梅林亦以他事獲罪。人咸謂其負心之報。

翠翹誘致明山。有大功于國家。上則奏請褒封。次則開籠放

雪衣。縱之去。以老林泉使之優游。卒歲庶幾不負初心。何乃

使之不得其所而死。殘忍可恨。負情優傳。吾當爲梅林再作。

○馬翹一煙花女子。明山遇之。特厚寵以專閫。待以心腹。雖

云國事爲重然士爲知己者死豈得陰幸其敗乘機以誤殺之則翹已爲徐游負心人矣翹旣負源梅林獨不可負翹乎至于誅降戮順將家所忌明山旣已歸誠必出其不意而斬之况翹誘敵來降功成呼吸而乃始辱之繼絕之終誤之使之不得志以死何其負心之甚也卒致獲罪奪身天道好還于茲益信

昔有人入中山採藥見一狼被獵者所傷其人善醫爲療治之不日而愈狼曰承君醫治實感再生然我餓甚君曷飽我其人曰我救汝汝反欲傷我母乃負心乎狼曰君何不明至此背恩反噬舉天下皆如是也何獨怪於我哉遂陷其肉飲其血盡其

削骨而去

豺狼而救之其反噬也必然所以濟人極是美事原須審擇而施之若一概加恩倘誤施匪類始雖可親後鮮不受其害者故曰苦心太重不可與入道職此之故歟

天順間石亨與曹吉祥排陷徐有貞偽作疏奏毀謗朝廷因譖有貞并及其所親馬士權遂捕有貞士權下獄武衛獄極刑拷掠瀕死數四士權終不肯承是夜雷電大作雨雹如注大風拔木杏林門老樹皆折亨宅平池水深數尺京師震恐明日會承天門復災卽令赦出編管金華爲民有貞出獄感士權之義以女許婚其子及曹石敗乃赦有貞竟負盟士權亦無言時論皆重

遺愁集卷之四

成都余 齋生生

鑒定

松陵顧有孝茂倫

古吳張貴勝晉侯孫

潘仁樾括蒼

尊人桓子年

友人

夏 煜字枚

王大壯兼修

栢 古斯民

侯開國大年

訂正

沈商霖霖來

畢緯前西臨

○○○一集忠義

忠自性根義本天生自然而然純乎其純既不圖利次不好

名肝腸赫赫節氣交交集忠義

魏以鍾會鄧艾統兵超漢中衛將軍諸葛瞻與戰于綿竹敗績
及其子尚皆死之師至成都太史譙周勸帝出降北地王譙怒
曰若果勢窮力盡當背城一戰同死社稷可也奈何降乎帝不
聽出降譙乃哭于昭烈廟先殺妻子而後自殺

國君死社稷雖有其說却無其人千古以來唯北地王與明
懷宗而已諸葛則有子有孫立德則有孫無兒真欲令人氣
塞

晉王濬克江陵吳丞相張悌逆戰大敗諸葛觀迎與遁去悌曰
我爲兒童時便爲卿家丞相所識拔常恐不得其死負名賢知

顧今以身殉社稷復何敢近耶觀流涕去梯死之

晉東海王越奉帝征頽微嵇紹詣行在秦華間有佳馬乎紹曰臣子愚從乘輿死生以之佳馬何爲及頽拒戰蕩陰帝頽中三天百官皆散獨紹朝服登車以身衛帝石超軍至殺紹血濺帝衣還宮左右請浣帝曰嵇侍中血勿浣也

溫嶠起兵討蘇峻邀陶侃同赴國難陶以不與顧命爲恨嶠激厲之始戎服登舟郗鑒得詔書卽流涕誓衆同超建康嶠與峻軍持久不夾食盡貸于侃侃怒欲歸嶠曰今日事勢譬如騎虎安可中下哉今若獨返沮衆喪事義旗將西指于公矣侃乃分米餉嶠與庾亮攻峻殺之司徒王導等同入石頭城

宣城內史桓彝赴難或阻之彝曰見無禮于其君者若鷹鷂之
逐烏雀今社稷危迫義無晏安乃遣將軍俞縱守蘭石韓晃攻
之將敗左右勸退縱曰吾受桓侯厚恩誓以死報桓侯不負國
吾安肯負桓侯哉遂力戰而死

唐定州總管李通立爲劉黑闥所執有故吏愧以酒謂曰吾能
舞劍願假我刀乃太息曰大丈夫不能保全所守亦何面目處
世間乎竟自刎死

安祿山反河北皆風靡玄宗嘆曰二十四郡中曾無一義士耶
及聞平原太守顏真卿起兵大喜曰朕不識真卿何狀乃能
是

尹子奇寇睢陽許遠告急于張巡曰遠懦不習軍公勇智兼濟
遠請爲公守公請爲遠戰巡乃與遠合兵圍益急巡欲射子奇
而不識因刻蒿爲矢中者喜以爲矢盡走白子奇乃得其狀使
南霽雲射之喪其左目始收軍還

唐賈林復爲李抱真說王武俊合兵攻朱滔武俊從之軍于南
宮抱真自臨沼引兵會之兩軍尚疑抱真曰今日之舉係天下
安危乃以數騎詣武俊營敘國家禍難朝廷播遷持武俊痛哭
涕泗縱橫武俊不禁悲亦不勝左右莫敢仰視遂約爲兄弟誓
同滅賊武俊曰此身已許十兄死矣因連營而進大破滔于貝
州

李懷光初有異謀于璿爲監察御史密謂上曰臣父必負陛下願密爲之備臣聞君父一也既以身許國故不忍不言及敗璿自殺

璿妙在能自裁火方可謂忠孝兩全若父死而偷生苟活則向之預告其君者則是賣父以自全也蓋棺論定果然果然宋司馬光有疾以青苗免役將官之法猶在西夏未降嘆曰四害未除吾死不瞑目矣與呂公著曰國家之事今以屬公既而詔令子康扶入對拜爲尚書左僕射遼人聞之勦遼吏曰中國相司馬矣慎毋生事開邊釁

李若水從帝如青城其僕曰公父母春秋高若少屈莫得一歸

親若水叱曰吾不顧家矣遂死之金人曰遼亡死義者甚衆南朝唯李侍郎一人而已

金陷京師欲以學士劉韜爲相韜書片紙曰忠臣不事二君遂酌卮酒而縊金人歎其忠通題窓壁以識其處

洪皓充金通問使金執之通使事劉豫皓不屈將殺之旁一吏校曰此忠臣也爲之跪請乃得流通嶺南

金兵入建康守臣杜充降通判楊邦乂不屈以血大書衣裾曰寧作趙氏鬼不爲他邦臣遂大罵而死

召張浚判建康至岳陽買舟冒雪而行時金兵充斥無一舟敢向北岸者浚急君父之難乃乘小舟徑進識者壯之

元○國○襄○陽○統○制○張○順○張○貴○救○之○不○克○順○貴○俱○死○猶○值○立○不○仆○怒○氣○勃○勃○如○生○乃○立○雙○義○廟○以○祀○之○

元○人○徇○池○州○通○判○趙○昂○發○知○事○不○濟○晨○起○書○几○上○曰○國○不○可○背○城○不○可○降○夫○婦○同○死○節○義○成○雙○與○妻○雍○氏○同○縊○死○于○從○容○堂○

汪○立○信○在○高○郵○聞○似○道○師○濟○嘆○息○曰○吾○今○日○猶○得○死○于○漢○土○乃○

揮○拳○撫○膺○者○三○遂○仰○天○扼○腕○而○卒○復○伯○顏○入○建○康○聞○立○信○二○策○
不○從○不○快○殺○以○進○

曰○宋○果○用○之○我○安○得○卒○此○求○其○家○厚○恤○之○曰○忠○臣○之○家○也○

文○天○祥○留○燕○三○年○坐○臥○小○樓○足○跡○不○履○地○王○積○翁○薦○之○對○曰○

倘○緣○寬○假○得○以○黃○冠○歸○故○鄉○他○日○以○方○外○備○領○問○可○也○未○幾○入○封○願○乞○死○乃○詔○有○司○斬○于○燕○之○柴○市○臨○刑○語○吏○曰○吾○寧○畢○矣○

向再拜引頸就刑時有張毅甫者負其骸歸葬吉州會林基亦自惠州昇天祥母柩同至人咸以爲忠孝所感

文公至燕無刻不以死自誓其所以忍之三年者欲乘間圖歸復興義旅思欲得當以報朱耳至此求脫不能更無所望始死心塌地從容就節以了却此生須知活那千日並非畏死貪生苟延殘喘也謝舉山亦同是此意須原諒之安祿山宴羣臣于凝碧池盛奏樂樂工雷海清不勝悲憤擲樂於地西向痛哭祿山怒支解之至死罵不絕口

唐李懷光與朱泚謀反其養子石演芬遣客請行在告之事洩懷光責之荅曰天子以太尉爲股肱太尉以演芬爲心腹太尉

既負天子演芬安得不負太尉乎苟免賊名而死死甘心矣懷
光大怒使左右齎食之皆曰義士也

元張弘範襲執文天祥于五坡嶺命爲書招張世傑不肯再三
強之乃書所遺零丁洋詩與之末云人生自古誰無死留取丹
心照汗青弘範憐其忠義笑而置之

王敦反帝使敦弟彬勞敦會敦殺周顗彬素與顗善先往哭顗
然後見敦敦曰伯仁自我刑戮汝何哀而哭之彬勃然曰兄抗
旌犯順殺戮忠良圖爲不軌禍及門戶矣辭氣慷慨聲淚俱下
敦爲氣阻

王敦親任溫嶠嶠謬爲恭敬時進密謀以陷其欲遂結錢鳳爲

之聲舉。每日錢世儀精神滿腹。鳳聞之甚悅。會丹陽尹執嶠言。
于敦曰。京尹咽喉之地。公宜自選。鳳薦嶠。嶠辭敦不許。嶠恐。
既去而鳳于後問之。因敦餞別。起行酒。酒至。鳳鳳未及飲。嶠佯。
醉。以手攀鳳幘。墜地。作色曰。錢鳳何人。溫太真行酒而敢不飲。
嶠臨別。顧爲涕泗橫流。出閣復入者三。敦愈信之。後鳳果謂敦。
曰。嶠與朝廷甚密。而與庾亮深交。未可信也。敦曰。昨太真小醉。
少加聲色。何得便爾相讒。嶠至建業。盡以敦逆謀告帝。帝與亮畫。
計以討之。

晉王將佐咸勸進。乃令有司市玉造法物。又得魏州僧獻傳國。
璽寶。王從衆議。張承業苦諫。王曰。此非余願。奈羣下意何。承業

知不可止。慟哭曰：諸侯血戰，本爲唐家。今王自取，悞老奴矣。遂悵悵成疾而卒。

宋魯宗道爲翰林時，真宗嘗遣使召之。及門不在，移時乃歸。却從酒肆中來，使先入，約曰：上怪來遲，托何事以對？宗道曰：但以實告使曰：然則得罪，奈何？曰：飲酒人之常情，欺君臣之大罪，使人自白其言，真宗以爲誠實，足可大用。

南唐孫晟使于周，周主問唐虛實。晟終不言。曹翰曰：有旨賜相公死。晟神色怡然，整衣冠南向再拜曰：晟謹以死報國。

宋仁宗時，張貴妃有寵，其伯堯佐驟除宣徽節度使。時文彥博爲首相，御史唐介遂劾彥博私通宮掖，得以執政。顯用堯佐以

圖自囚帝怒時彥博在帝前介叱之曰彥博宜自省設有之不
可隱彥博拜謝不已帝益怒乃更介爲英州別駕帝慮介或道
死致有殺直臣之名仍命中使護送之李商中等皆賦詩贊美
由是介直聲動天下凡稱真御史必曰唐子方

元克澤州知州李芾死之時進士尹穀寓彼中乃爲一子冠招
鄉人行冠禮衆曰此何時乃行此迂闊事穀曰欲令兒習冠帶
見先人於地下耳禮畢卽與家人自焚死

文天祥如元議和被執元唆都說曰國亡與亡四字願公勿言
天祥拒之及見伯顏爭辨不屈顏怒遂強留焉後自鎮江亡入
溫州與張世傑等奉益王是卽位

明左僉都御史景清側儻有大節革命日方孝孺練子寧諸人皆死而清獨委蛇侍朝人咸怪之先是司天言文曲星犯帝座一日蚤朝清緋衣而入上心疑命搜之得所帶劔詰之荅曰我忍不死者爲此今事不成天也毒罵不止快其齒拔其舌血噴御衣上大怒命以鐵箠刷其肉肉盡罵已足後精英迭見時入殿廷爲厲

劉景文成公子也襲封誠意伯太祖嘗召見喜曰是真伯溫兒及文皇革命稱疾不起上欲用之罪以逆叛命親至繫逮之親故饒別戒曰先生忠良允爲魏徵可也環顧目曰爾謂我學魏徵耶我死生之分決矣至京人見猶稱殿下且云百世後知迷

不得一箇字上怒下之獄尚與其悟竟自經死上甚惜之

明丞相胡惟庸謀逆誣云所居井湧灋泉邀太祖往觀乘輿將
出內史雲奇知其謀走衝蹕道勒馬言狀氣方勃舌快不能達
意上怒其不敬左右捶撻亂下奇垂斃右臂將折猶指賊第弗
爲痛縮上方悟登城眺察見甲兵代舁帷間數匝亟遣兵圍
其宅乃召奇已死矣上深悼賜葬焉

宋司馬光居政府以身殉社稷至病革不復自覺猶諄諄如夢
語皆朝廷事也及卒太后爲之慟卽日與帝臨其喪京師爲之
罷市往弔如陝送葬者如哭私親都中四方無不畫像以祀嘗
言吾無他過人但平生所爲未有不可對人言者耳

明建文遁去。燕王卽帝位。方孝孺袞袞號哭闕下。聲徹殿陛。上曰。我法周公輔成王耳。奈成王不在。何。曰。成王之子固在上。曰。國賴長君。方曰。何不立成王之弟。上語塞。乃曰。此吾家事。與先生何與。奚用自苦。乃爾復逼其草詔。上降榻親授筆札。且勞之曰。欲詔天下非先生草不可。孝孺投筆于地。且哭且罵曰。死卽死耳。制不可草。上大怒曰。汝不怕死。獨不顧九族乎。孝孺曰。便十族何妨。哭罵益厲。遂命磔于市。宗黨坐死者凡八百七十三人。朋友與孝孺一面者悉皆誅戮。

黃陂張國勛字伯明。崇禎丙子歲爲應城司訓。本年十月流寇圍應城。國勛率民兵死守三月。城中食盡。遂陷。國勛城頭具衣。

冠○北○向○拜○還○守○類○宮○賊○闖○入○將○焚○角○宮○因○勛○厲○聲○罵○賊○抱○先○師○
木○主○哭○之○慟○忽○反○風○滅○火○廟○上○殷○殷○若○雷○聲○賊○執○國○勛○斷○其○左○
臂○罵○益○烈○賊○支○解○國○勛○舉○合○室○投○巨○礮○中○

明○靖○難○兵○下○山○東○參○政○鐵○鉉○盡○心○防○禦○燕○王○命○決○水○灌○城○鉉○給○
以○出○降○開○門○延○入○乃○令○武○士○設○伏○城○壘○候○入○用○板○閉○下○之○幾○中○
其○策○王○大○怒○復○以○巨○礮○飛○擊○鉉○書○高○皇○帝○神○主○牌○懸○城○上○師○不○
敢○攻○燕○王○憤○甚○計○無○所○出○追○革○命○日○命○斬○于○市○剝○其○皮○懸○之○城○
外○後○上○過○之○皮○若○犯○駕○者○三○上○益○怒○命○燬○之○矣○

唐○將○軍○高○重○捷○與○朱○泚○將○李○日○月○戰○死○斬○其○首○去○德○宗○哭○之○盡○
哀○結○蒲○爲○首○而○葬○之○泚○見○其○首○亦○哭○曰○忠○臣○也○東○蒲○爲○身○而○葬○

之

明建文末靖難兵薄金川門李景隆及谷王穗園門迎入城門卒冀謂慟哭而去左都督徐增壽謀降御史魏冕率同僚卽殿前殿之幾死大理寺丞鄭瑾當陛大呼請速加誅上大恨手刃增壽於左順門

宋欽宗時太學生陳東上書曰今日之事蔡京壞亂于前梁師成陰賊于內李邦彥結怨于西北朱勔聚恨于東南王黼童貫又結讐于遼金使天下之勢危如絲髮此六賊者異名而同罪伏願斬之以謝天下庶可轉敗爲功易危爲安上嘉納之而不能行

宋太祖遣使加昭儀節度使李筠中書令筠乃取蜀太祖書像懸之於壁置酒延使涕泣不已遂與北漢王劉鈞起兵拒命太祖自將討之山路險峻不堪行走上先下馬負石將士爭趨頃刻爲大道因與石守信等會於澤州筠敗赴火死

四川宣撫使吳曦反王翼諫曰如此則相公忠孝八十年門戶一朝掃地矣不聽遂稱蜀王皆安丙爲相丙稱疾不出楊巨源謀討曦丙知之致書延之臥內巨源曰非先生不足以至此事非巨源不足以了此事乃其草密詔率其徒入曦僞宮斬之

洛州頽人淳于氏色美繫獄李義府囑畢正義枉法出之將納爲妾事覺逼正義自經以城口上知而不問侍御史王義方欲

彈之先入白母母曰王陵之母殺身以成子今能盡忠吾自不恨於是入奏對仗叱義府令下義府猶顧望不退義方三叱方始趕出上以義方廷辱大臣貶爲萊州司戶

晉靈公不君趙宣子盾驟諫公惡之使鉏麇賊殺之晨往寢門開矣盛服將朝尚蚤坐而假寐麇退而嘆曰不忘恭敬民之主也賊民之主不忠棄君之命不信有一於此不如死也遂觸槐而死

楚伍員與申包胥友善員父奢爲平王所殺員奔吳與包胥別語之曰我必覆楚包胥曰我必復楚員旣至吳遂道吳伐楚自將入郢大破楚師起平王尸鞭之三百包胥如秦乞師秦館之

外舍因無意起兵。依廷牆而哭。七日夜不絕。秦王憐之。出師敗吳耶王。復國。

興化軍陷。知府陳文龍被執。欲降之。乃指其腹曰。此中皆節義文章也。可相逼耶。卒不食死。

李師道使養客於蚤朝暗。中賊殺武元衡。又擊傷裴度。首度怒甚。因淮西反。言于上曰。臣請自往督戰。誓不與賊輩俱生。將行。復曰。臣若賊賊。則朝天有時。賊在則歸闕。無日上爲流涕送之。婺州處士呂祖泰上書乞斬韓侂胄。曰。道學自古恃以爲國。而禁逐之。是將空陛下之國。而獨不悟耶。侂胄大怒。貶配欽州。司馬昭廢。曹芳范粲素服拜送。哀動左右。遂稱疾。佯狂不仕。寢。

所乘車足不履地凡三十六年卒于車上

明姑蘇徐九一諱沂號勿齋家貧幼孤少負氣節年未二十聞

同郡周忠介公順昌以忤姦閹魏忠賢被逮貲斧蕭然因懇于

內家貸得一十金密詣舟泣贈嗣是名譽日隆崇禎戊辰成進

士官翰林仕至宮詹崇禎殉國時適封王歸甫抵家聞變卽欲

死因念諸王尚在江左須爲稍留以作後圖及弘光立馬士英

當國知時不可爲遂不赴京預令家人避跡遠鄉迨乙酉六月

十三日大兵破蘇卽出城登舟泊虎丘後河止一老僕徐慶相

從是夜月明如晝令慶具酒歡飲時屆二鼓四野人靜乃整冠

帶劍渡江將見先帝于地下汝勿撓我遂作札付二子并

宗族北向載拜赴水而死。慶却死志已決，亦不復救。及明始撈置岸側。時下江南主帥總督李公延齡、部院上公國寶聞之，駭疑，偕往驗視。嗟嘆，起敬，命具棺成服。至康熙乙丑夏五月，巡撫湯公潛菴弒深嘉其從容就義，與他人靖難不同，勅建廟于虎丘竹亭之傍，專祠致祭。其長公壬午孝廉枋，字昭法，號侯齋，恪遵先志，守貞不字，遁跡于靈巖之上沙澗，上迄今四十餘年，足跡不入城市。官斯地者，每易服潛訪，輒踰垣而避。長邑教官姚文焱嘗作閉門行傳世。

弘光末，大兵破蘇，解元楊廷樞字維斗進士劉曙字公旦，咸爲官兵所執，解赴王將巴大人營中，諭之使降，不屈死之。

明崑山顧漢石咸建寓居蘇城癸未登進士選杭之錢塘令赴任未暮值大兵下浙被執不屈死之時當酷暑死三日無一蠅集其屍人甚異焉

先母舅許君聘諱王家係先慈胞兄也少補長邑弟子員負奇氣矢忠節大兵下蘇引家人避於澄河之盛德村默以死誓兵以勦寇到鄉囑家人曰汝等善藏請從此別吾不復再見矣因送妻子登舟隨赴河死至康熙間都人士每道其事有寧都魏冰叔薦及郡人韓慕廬焚楊明遠祠等以次作傳用垂不朽已載入郡誌

李賊陷京都簡討汪偉大書古語云國不可背身不可降夫婦

同死節義成雙遂與夫人耿氏置酒飲畢向北再拜又交拜話
別設兩環於中堂俾以便就右耿就左既繫耿復日止止雖在
顛沛夫妻位序不可紊亂因復下互相換正怡然其縊

此之謂從容就義也死是何等事乃能大顯同心又做得如
此悠閒自在不特忠義使之全是一團學問所致

弘光遁出百官星散百川橋下一乞兒題詩于橋柱云三百年
來養士朝如何文武盡皆逃綱常留在卑田院乞丐羞存命一
條蓬柳筆躍入秦淮河死又一鄉民賣柴入城知安撫使至將
柴悉投諸水棄船跳入文城霸南龍游河死

嗟乎國家養士垂三百年一旦變起綱常名義乃不僅得之

公侯將相而并得之草野細人亦事之可矜可喜者也。武爲
子言草澤中何謂無英雄。余曰：然所見惟小乞兒與賣草翁
耳。

明懷宗被難長洲諸生許玉重琰聞變悲號遍身衣帶盡書崇
禎皇上四字遂絕粒七日而死。迨大兵下蘇諸生顧所受以一
呈赴縣曰：將欲靖難特來相告。縣公李某正色曰：死節事恐不
是與人商量的。顧大服亟袖呈去赴長庠泮水死。

天啟中張振德蘇州人由貢選縣尹。遠任巴蜀一家相隨啖蔬
茹菜安貧守義三署邑篆歷有尸祝。當藍寇之變甫出棘關急
赴還邑而賊兵奄至督戰力盡痛哭入城遂率其妻錢氏長息

顧氏次子張沌及女淑安淑慶北而羅拜盡投烈焰童僕嚴英
顧美等長幼男女二十一人皆慷慨憤激同時殉節止長子張
純以應秋試歸鄉僅存一息撫按以聞家死難上聞有旨贈光
祿正卿蔭其子爲錦衣衛千戶

甲申之變戶部尙書倪元璐衣冠向闕北謝天子南謝母索酒
招二友爲別遂縊死越三日賊入見顏色如生驚避去一門殉
節者共十有三人

左都御史李邦華聞難乃題閣門曰堂堂丈夫聖賢爲徒忠孝
大節矢死靡他走文丞相祠再拜自經

副都施邦曜聞變題詩于几曰愧無半策匡時難但有微軀報

王恩遂自縊。僕解之。復蘇。叱曰。若知大義。何久留我。更飲藥死。大理卿凌義渠聞難。以首觸柱。流血被面。盡焚生平所著述。冠帶正笏。望闕拜。復南向拜。遺書上父曰。盡忠正以全孝。能死庶不辱父。乃奮身絕吭而卒。

刑部侍郎孟兆祥守正陽門。賊至。死于門下。妻何氏亦死于進士章明收葬父屍。亟歸別妻王氏曰。吾不忍大人獨死。當往從之。王曰。君死。妾亦死。章明以頭搶地曰。謝夫人。然夫人須先死。乃盡遣其家人出視。妻縊氣絕。取一扉置上加緋服。又取一扉置妻左。囑婢曰。我死亦置扉上。遂整緋袍自經。

左諭德馬世奇子君常。是日方早膳。聞變。曰。是當死。家人曰。奈

太夫人何世奇曰正恐不死以辱太夫人耳遂作書別母侍妾
朱氏李氏盛服而前世奇曰若將辭我去耶二妾曰不然主人
盡節我兩人亦欲盡節敬來相別耳並入室自縊世奇撫而熟
視笑曰若少年女流竟能有志死耶遂亦引頸自死家人救之
復甦告曰聞駕已南幸可爲從人計世奇不應復將冠帶焚于
庭以司經局印置案上捧勅北面再拜又南向拜母卒自殺
左中允劉理順聞變題詩於壁酌酒自盡其妻萬氏與妾李氏
及子孝廉某并婢僕十八人闔門縊死賊多河南人至其居曰
此吾鄉杞縣劉狀元也居鄉厚德奉令衛公何遽死也數百人
皆下拜涕泣而去

左庶子周鳳翔帝崩梓宮暴露東華門外赴哭幾絕歸寓遣書
訣父母曰男幸不辱此身以貽兩大人羞復作詩一首有碧血
九重依聖主白頭二老哭忠魂之句再拜自縊二妾從死

御史陳良謨聞變痛飲作詩爲縗於梁欲自縊妾時氏方娠語
妾曰吾年踰五十無子幸有娠倘生男可延陳氏血食勉之妾
曰主人死妾將誰依與其遇賊受辱不如無子請先死以絕君
念遂投入縗良謨大服其言卽別作一縗與之同縊

此女具絕頂見識總之貪生被辱子亦不保不若死之爲愈
聞之使人肅然起敬

兵部郎中成德聞賊急致書同年馮世奇約同死難及上崩以

鷄酒哭奠梓宮前賊露刃脇之了不爲動歸寓跪母張氏前慟哭母曰兒起我知之矣入室自縊妻張氏亦死一千六歲撲殺之然後自殺

兵部員外金鉉因賊攻城急跪母章氏前曰兒世受國恩義在必死得一僻地可以藏母幸速去母曰爾受國恩我獨不與乎請事急廡下井是吾葬所母以我爲念鉉痛哭復辭母親事丁未歸於御河橋聞城陷望寓再拜不復到家卽投河中從人極救挽之不放乃嚙其臂急赴深處時河水淺乃挽首泥潭死之報至章氏卽投井妾王氏亦隨之死其弟諸生錄曰母死卽應從死然母未歸土未敢死也遂市棺殮其母旣葬三日復投井

死

新樂侯劉文炳因賊破外城嘆曰身爲外戚義不受辱其女弟適李未三十而寡疾召之歸與弟左都督文耀穴一大井驅子孫男女及妹十有六人盡投其中縱火焚賜第火燃俱赴火死祖母瀛國太夫人卽帝外祖母也年已九十餘亦投井死

駙馬鞏永固殺其愛馬焚其弓刀鎧仗大書於壁曰世受國恩身不可辱時樂安公主先戮以黃繩縛子女五人于柱往外舉火遂自到

錦衣衛同知李若珪守崇文門城陷作絕命詞云死矣卽爲今日事悲哉何必後人知遂自縊

弘光元年大兵至苑家寨總兵王之綱邀巡按凌嗣南等不聽
及睢州破嗣被執不屈其母于水與姪潤生自縊遺書遺王曰
慎無渡江若渡江則易子江頭凌御史卽錢塘江上伍相國也
王厚斂之事聞贈兵部

隆武末大學士黃道周請以師相募兵江西給空劄有函號召
得百餘人居吉安大兵下徽州執送江寧道周絕粒不食積十
四日不死內院洪承疇憐而欲生之卒不屈死之

大兵破義烏至七里寺張國維具衣冠南向再拜曰臣力竭矣
作絕命詩云艱難百戰戴吾君拒敵辭朝氣勵寒時去仍爲朱
氏鬼精靈當傷孝陵墳從容赴園池死

汝可起字君喜壬午以明經授常州府訓導閏十一月南下至
河間府遇兵君喜整衣冠危坐騎呵曰汝官耶速降則免死露
刃○脇○之○君○喜○罵○曰○我○天○朝○臣○子○豈○爲○汝○輩○屈○耶○罵○不○已○騎○怒○攢
刃○斫○之○臨○絕○以○手○拭○頭○血○印○壁○間○大○呼○崇○禎○聖○上○數○聲○仆○火○死○
靖難兵入德州教諭王省坐堂上伐鼓集諸生曰此堂名明倫
今日君臣之義何在遂相向大哭以頭觸柱而死

成化間林俊以劾曾繼曉下獄事將不測太監懷恩叩頭力諍
上怒舉御硯擲之恩不爲動免冠號泣不起命左右扶出至東
華門謂鎮撫司曰若等謂婦梁芳合謀傾俊俊死汝輩不得獨
生俊賴以全章瑾以寶石進鎮撫司命恩傳旨恩不肯傳上曰

汝違我乎。恩曰：非敢違命，恐違法也。上不得已，乃命單昌傳之。恩復諷尚書余子俊執奏許，以從中贊成。余謝不敢。恩嘆曰：吾固知外廷無人也。時王恕屢諫，恩曰：天下忠義唯斯人耳。甲申國變，後蘇州衛試百戶周邦穆不食六日死。其兄諸生邦彥投吳淞江以死。東湖迂史爲作傳。

崇禎末，逆賊張獻忠犯貴陽。文武諸大吏聞風皆遁。布政使三原張耀獨率家僮守城。城陷，公猶手刃數賊。獻忠以禮請曰：公吾秦人，吾甚重公。公若降，常居宰相。公奮罵不屈。賊械其妾媵三十人於前日，降且免一家死。公罵愈厲。賊割其舌支解之。妾媵等皆死。

景泰五年、皇太子見濟祖、御史鍾同手疏請朝上皇、建復沂王、未上以示都憲劉廣衛、尚書胡濙、濙謝不敢稱頭、曰作死○作死○禮部章綸亦疏陳修德弭災十四事、請朝上皇以敦同氣○之○至○情○復○汪○后○以○正○天○下○之○母○儀○迎○沂○王○以○正○國○家○之○大○本○上○覽畢大怒、時已暝、宮門閉、傳旨自門隙中出、命逮二人入獄、拷訊日加笞、掠血流遍體、逼令誣引大臣、并南宮通謀、指使不服、復加炮烙之刑、濟死卒無一語、徐連會大風、晝晦、黃沙四塞、乃密勅錦衣衛緩其獄。

王倫使金欲逼之降、倫哭曰、先臣文正公以直道輔相兩朝、天下共知、今將命被留、汚以偽職、敢愛一死、以辱君命、遂自經。

元人入西和知州陳寅固守力不能支城陷寅伏劍死妻杜氏
卽飲藥自殺

趙鼎在吉陽軍知檜必欲殺之及得疾自書銘旌曰身騎箕尾
歸天上氣作山河壯本朝遂不食死一生以固國本復中原爲
意終身不陟和議爲中興賢相首稱

公孫述遣兵救隗囂太原校尉朱序爲囂將荀宇所獲宇欲降
之序大怒叱罵衆爭殺之宇曰義士死節可賜以劍乃銜鬚於
口顧左右曰旣爲賊所殺無令鬚汚血遂伏劍死

侯景使子鑒寇吳興太守張嶷書生不嫻軍旅或勸之降嶷曰
我豈不知此難久全但以身許國有死無二耳及戰敗還府鑒

衣冠安坐堂上。鑒執送建康。景欲活之。喟曰。吾忝任專城。朝廷
傾危。不能匡復。連死爲幸。景欲存其子。喟曰。我一門已登鬼錄。此○豈○書○生○所○能○
決不就爾輩求恩。景怒并殺之。

張巡許遠久守睢陽。城中食盡。遂食馬。馬盡。羅雀掘鼠。鼠雀盡。
巡殺愛妾。遠殺其奴。以食士。後復括城中婦女老弱。食之力竭。
城陷。巡死。遠被執。生致於洛。亦死之。將行。兵不依古法。號令明。
賞罰信。與衆共甘苦。故下爭致死。力前後四百餘戰。殺賊十二
萬人。張鎰聞。圖信道進救。比至城。已陷三日矣。追至七日。賊亦
潰去。

朱泚召段秀實議稱帝。勃然唾泚面。罵曰。狂賊。吾恨不斬於萬

段肯從汝反耶因舉笏擊泚傷其額泚怒殺之

崇禎甲申正月李賊薄寧武關衆皆歡款總兵周遇吉悉力拒守謂衆曰苦戰三日殺賊且萬汝輩何怯之甚脫勝之一軍皆爲忠義萬一不勝縛我以獻若等可無恙力盡城破乃關門縱火家人盡焚死自揮短刀出關被流矢見執縛而磔于市遂屠其城嬰穉不遺自成嘆曰使守將盡周將軍吾安得至此

三月復破保定御史金毓峒守西門賊執之入三皇廟見賊帥猶奮拳毆仆之躍入井中死妻王氏自縊從侄振孫以武舉效力行間城陷衆解戎衣避匿振孫衣襦襦大呼曰我金御史侄也賊執殺之毓峒子嬰子婦陳皆年十八與其祖母張母楊嫂

常一時盡投於井侍婢四人恐被辱亦從下

復向宣府總兵姜瓖太監杜勳皆緋袍八騎郊迎三十里巡撫

朱之馮勞軍守城無一應者三命之咸叩頭曰願中丞早聽軍

民納款罷之馮不得已獨行城上見一大砲曰汝曹試發之可

殺賊數百賊雖殺我無恨矣衆不肯之馮無奈自起燃火衆又

競持其手之馮憤甚乃奪士卒刀自刎衆遂舉城降

唐明皇教成舞象天寶之亂安祿山宴客出象給之云此自海

南奔至以吾有天下雖異類必拜舞乃命之舞象皆努目不爲

動祿山怒盡殺之

唐昭宗養有弄猴隨班起居賜以緋袍號孫供奉及朱溫篡位

猴見之趨前跳躍奮擊怒搏遂自殺人謂唐朝臣宰多懼此猴
明崑山蔡忠襄諱懋德少時潛心理學探濂洛之正宗究鵝湖
之秘旨世推陽明之後一人後成進士遷杭司李行取入京歷
任兵憲臬藩政績茂著在在尸祝崇禎末陞山西巡撫時關賊
李自成勢張三秦破遂犯晉界公悉力防禦屢戰屢却會賊突
渡平陽公慨然曰等死耳死於城曷若死於陣乎疾率兵馳救
貽書寧武總臣周遇吉約同死守遇吉感奮許之時命郭景昌
代任左右請急移鎮候交以脫危難公曰此何時尚徇往例耶
俟新撫至當與協力破賊耳及郭聞警不前甲申正月賊薄太
原遣使持牌招諭公卽登埤碎其牌斬其使賊怒圍益急二月

初七日大風拔樹揚沙蔽目城陷公乃草遺疏遣使上之誓爲
厲鬼以殺賊諸將私謀劫公出城公曰吾封疆臣應死封疆汝
輩何陷我於不義堅不肯行急率中軍應時盛材官段可達及
家丁數十巷戰殺賊甚衆力不能支遂至三立祠北面載拜自
縊體輕未卽死時盛知公志決因脫鐵甲覆兩肩視氣絕向公
叩首亦以弓弦自勒襟下抱救乃拔刀斫之遽刎死賊至驗屍
恨公久抗不降復加戮焉可達乃扮乞兒求得公屍擲土牆陰
之逾旬始市棺斂於泰山廟顏色如生因瘞于南門外東岡
五年戊子子方炳方焮往扶櫬歸晉人泣送者盈道路

遣愁集卷之四

○○○一集孝友

孝行是尚友于是敦父母不問兄弟無爭詩稱張仲聖許閔
曾萬世欽仰千載流名集孝友

宋袁粲謀誅蕭道成褚淵具以告乃遣戴僧靜攻之粲子勗以
身衛父粲謂曰我爲忠臣汝爲孝子死復何恨遂父子見殺百
姓哀之謠曰可憐石頭城寧爲袁粲死不作褚淵生

齊南康公褚淵卒世子賁以父嘗仕宋恥其失節服除遂不仕
以爵讓弟屏居墓下終身

吉翺年十五父爲原鄉令爲姦吏所誣罪當死翺乞代父命梁

主以其幼疑人教之及廷尉詰實並非人教乃宥其父母陽尹
王志以純孝舉○粉曰父辱子死道固當然若當此舉是因父取
名何辱如之力辭不受

唐玄宗甚友愛嘗爲長枕大被與諸王同寢謂之五王○張薛王
業有疾親爲煮藥風燃鬚左右驚救上曰使得飲藥而愈鬚何
足惜

李勣甚友愛處閤門雍腫而嚴其妨病親爲煮藥風回致燃鬚
宋太祖嘗御正殿必令洞開重門謂左右曰此如我心少有邪
曲人皆見之性仁孝晉王光義嘗病亟帝親往視自爲灼艾王
覺痛上卽取艾自灸以分其痛每謂侍臣曰晉王龍行虎步他

日必爲太平天子。福德非我所及也。後奉慈命。特以天下傳賢王。

徐積事親至孝。以父名石。終身不用石。器行遇石則避而不踐。指宗閭之特賜帛米旌表。

元仁宗延祐二年。蔡九五作亂。賴祿孫負母入山避之。盜至守母不去。以身蔽翼。時母病渴。覓水不得。祿孫含唾嚙之。盜見相顧驚嘆。反取水予之。事聞。特賜旌表。

王祥事繼母至孝。冬月。母思食鮮魚。以嚴寒水凍。覓不可得。祥乃往臥冰上。冰解。獲雙鯉。以歸。母私其已子。覽而待祥甚酷。覽輒諫。不聽。嗣後母有所虐。使覽必與俱。飲食則共。母始感動。均。

相愛焉

徐庶歸劉備曹操怒乃使人劫其母以招致之庶至孝聞之急
謂備曰○本欲與將軍共圖王霸之業○今母爲操虜○方寸亂矣○留
此無益○遂辭去○備泣送之○庶感其情誼○乃指其心曰○今日之去
誠不得已○若爲彼更設一謀○非大丈夫也○及歸操○操待之甚厚○
然以備故○終身不建一策○

庶之急去以全其母固是孝子心腸而玄德依依泣送實覺
萬分不捨乃竟聽其去而弗爲強留不忍屈其子以害其母
更是仁人志量較之刎腹其母以招致之其相去幾何所以
徐君愈感其情更高其義終身不爲曹謀方見英雄心照人

之相知貴相知心此之謂也。

張孝基爲人友愛。初舉孝廉。父母卒。二弟俱幼。與分家產。孝基欲成二弟之名。乃田地居其肥者。僮僕選其壯者。二弟感兄教。訓毫不與爭。鄉里咸以孝基爲假孝廉。縣令聞之。特薦二弟義讓。可嘉。奉旨徵聘。及出仕。數載。令聞遐著。孝基復勸二弟乞骸。歸里。共樂林泉。方始遍邀親族。歸還弟產。并籍歷年所收餘息。逐一交明。二弟更感其德。連辟不應。奉兄以終。

漢淳于意爲齊太倉令。有罪當刑。其少女緹縈上書曰。妾父爲吏。齊中皆稱廉平。今坐法當刑。妾傷死者不可復生。斷者不可復屬。雖後欲改過自新。其道無由。妾願沒入爲官婢。以贖父罪。

文帝見書憐之。免其父罪。并詔除肉刑。

吳璋父卒時年止十餘歲。其母陸氏。遷入內廷。宣德間。隨親王分封廣東韶州。尋改江西饒州。越數年。璋年已長。棄家訪其母。至韶而陸已移饒州矣。往來奔走。足指俱裂。不復能進。臥野寺廊間。有道人焦姓者。憐之。出囊藥以傳。隨傳隨愈。過嶺草間。有黑蛇。嚙其足。卽昏。腹倒地。復遇前道人。至以藥塗之。卽於嚙處。抽山黑涎尺許。而愈。然足尚疼。未能隨衆行。一日。徬徨風雪中。將憩於枯廟。忽見焦道人冒雪而來。撫其背曰。爲母忘軀若是乎。眞鐵漢也。出餅與啖。頓忘飢寒。天明尋路而行。至饒州。叩王府訪問。則母果在。求見不允。遂賃居于王府旁。書思親二大字。

於壁時時哀慟諸內使哀其志爲言於王因允其請入見於
膳所母已病篤不知人矣璋退而焚香籲天割股作羹以進母
啜之而甦於是母子相勞苦拖頭而泣王聞召賜金幣遣扶母
出至旅舍三日而母卒璋負觀以歸璋字廷用人稱爲全孝翁
季子洪登進士官至尚書洪子山下官至尚書其子孫終繼弗
絕世以爲純孝所致云

常熟歸孝子錢少養母父更娶太倉婦婦有子孝子失愛每父
責母輒索大杖與之曰徒手恐傷也家貧食不瞻母輒罪孝子
不置父怒逐之困頓於外又言子不歸家必在外爲盜行耳父
復呼回杖之父卒母獨與已子居孝子因販鹽市中而時私顧

其弟問母餵食。正德庚午，大饑，母弟不能活。孝子因往涕泣迎養。母始內慚，從之。孝子居，復食必先母。與弟已甘，受飢而黃而體瘠。人因呼之爲萊夫人。歸孝子云。

鄭克敬，延平之將樂人。洪武中，由薦舉任延平府學訓導。賜名公正，擢監察御史。正色立朝，以廉介受知於高廟。嘗奉使復命，賜譔不飲食。光祿卿以聞，上詰其故。對曰：「今日臣父沒，忌不恣食酒肉。上曰：『尊長賜賤者，少者不敢辭。』」况君命乎？對曰：「臣聞有父子，然後有君臣。上悅其言，賜鈔五錠。」

壽張人張公藝，九世同居。北齊隋唐皆旌表其門。高宗過壽張，召問所以能共居之故。公藝書怨字百餘以進。上深是之，賜以

緣帛

忍之爲義大矣哉。忠臣烈士。非忍不成。聖賢佛祖。非忍不就。唯其能忍。則凡一切喜怒哀懣。恩情讒間。皆不能動。誠居家第一良方。處世第一要著。

裴叔則營新宅甚麗。當移住。一日與兄共遊牀帳。儼然軒楹。踈朗殊快人意。兄心甚欲之。而口不能明言。叔則會知其情。便推讓與兄居之。

建寧人陳榮。母雙目失明。十年百藥罔効。忽聞舌舐可以愈疾。榮卽爲母日舐數十次。將半載。一朝豁然開朗。又鄰火及廬。榮從外奔救。抱母號呼。須臾風返。幸得無恙。後郡城水災。人民漂

沒榮與母兩地隨流各附一本。潮波達岸卒遇其母。適郡守官
舫過。夜夢神告。次午有孝子附舟。郡守泊船待至日中。果見兩
木浮沉。急令撈起。則陳榮與母也。郡守驚詰有何孝行。連得動
天榮曰。予何知孝。惟一刻不敢忘母而已。郡守以聞。天啟中特
賜旌表。

洪武時。浦江鄭氏。十世同爨。食指至千餘人。田賦各有所司。絲
毫皆有籍可核。諸婦惟事女紅。不與家政。子孫孝謹。家畜兩馬。
一出則一不爲食。其所感如此。上素識其名。後被人妄訐。與權
臣通財。時嚴黨羽之誅。犯者不論真否。必誅其宗。長濂與從弟
湜爭先就吏。上憐之。曰。朕知鄭門無是也。人誣之耳。懼湜爲參。

政因問濂治家所以得長久之道對曰謹守家法不聽嬖人言而已

洪武中山陰民徐允讓及妻潘氏因元末兵亂奉父安避山中遇寇斫安流血讓抱安呼曰寧殺我毋害父寇捨安殺讓將辱潘潘紿曰夫死從汝必矣若能焚吾夫則無憾寇信之爲之聚薪燃火火方熾卽投火死賊驚嘆而去安得免至是有司以聞旌表其門曰節孝居

洪武戊寅閏五月乙酉太祖崩於西宮皇太孫建文被髮痛哭哀動左右數日晝不飲勺水夜不就枕簟當上不豫更深侍衛時無不應應無不起體素豐腴竟至骨立先是懿文太子病楚

痛呼號太孫年僅十四含淚撫摩日夜不離太祖嘆曰有孫純孝至此朕復何愛

松陵文獻曰顧宗義字惟正一字貽善世居城西流虹橋與兄宗仁相友愛終身不異爨後宗仁無子宗義命長子言嗣之界以故廬而別與次子行耕於充溪相距數十里每遇蔬果薦新之日必賞以奉兄度兄已先嘗然後敢食雖家人亦無敢先食事無鉅細必稟命於兄數十年如一日也其裔孫允中字道原號復菴割產授廬給孤貧子姓俾有成立克繼祖德佐成允中之志者其室人嚴氏也世稱義門必首推顧氏云邑之高士周安嘗賦充溪行以美之吳時祿亦賦焉

孝子萬元亨字雨嘉小字芳生南昌人父文英爲鳳陽推官崇禎乙亥元夕流賊犯鳳陽已及司李之署急索李官安在孝子乃泣語父曰吾不得復事吾父矣急着青衫出大呼曰死賊若索官何爲我乃官也賊遂厲色脇之孝子罵不絕聲賊首怒甚嘯命旁賊加刃孝子死賊以爲此官也遂置文英而去

張嘉玲字佩琮居吳江之嚴墓村幾年積學試輟高等年未三十棄諸生鞭心理學攻苦刻勵一動一言必受在於紫陽而恥自標榜對親朋粥粥然如坐嚴師之側親喪三年不寢處於內不食兼味哭踊一遵古禮人咸稱爲江南孝子乃佩琮之心悚如也吳超士爲賦張孝子詩詩見紀事詩鈔

粹然儒者之行古人且不易得況今人乎

張孟仁妻鄭妙安弟仲義娶徐妙員敦義親睦徐富鄭貧不鬻
不諂或一歸寧則交乳其子女雖諸兒亦不知孰爲已母家嘗
畜猫犬一日猫被竊犬卽乳猫子人咸謂和氣所感太平間因
表其門曰二難

明世宗壬辰御史馮恩劾汪鉉方獻夫張孚敬三人姦邪不測
乞斬之以應更新之象上怒逮訊鉉等恨之入骨朝審定讞論
死其母吳氏擊登聞鼓聲冤子行可請以身代省不報甲午冬
將處決行可乃於長安街刺血書自縛闕號哭請死通政司陳
經見而憐之爲引奏上動容曰忠孝乃出一門耶其賈之因得

減死改戍雷州。

宋太子劬自立王僧綽被殺其弟僧虔咸勸之逃答曰吾兄奉
國以忠貞撫我以慈愛今日之事苦不及見與耳若得同歸九
原猶羽化而登仙也焉忍逃耶劬聞而怒并殺之。

遺愁集卷之四

○○○一集節操

惜其名節○慎其操持○吾乃將斬磨礪○以須卻衣○甘凍柔燭○不達以若○而人清風○庶幾集節操○

漢王烈○每以德行化鄉里○適有盜牛者○主獲之○盜曰○刑戮是甘○但勿使王彥方知也○烈聞爲和解之○且贈以布○使其自新○後有劍遺於路○一人守之○不去○衆其驚異○詢之○乃前盜牛者○

大夫韓朋妻美○康王奪之○復係之囚○朋乃自殺○一日妻與王登臺○自投下死○遺書於帋曰○願以屍還韓氏○合葬○王怒○令埋兩塚○忽有梓木生二塚上○根交於下○枝連於上○復有鴛鴦一對○晝則

相集而鳴。夜則交頸而臥。人謂其在天爲比翼鳥。在地爲連理枝。在○花○爲○蓮○蒂○連○在○水○爲○比○目○魚○

魯人秋胡娶妻羅氏。敷五日而官於陳。三年而後歸。見路傍有女子採桑。少而美。胡下車挑之。曰。耕田不如逢年。力桑不如見郎。吾有黃金百鎰。願期與子相將。嬾不受。及胡抵家。母呼嬾出。卽探桑女也。乃數胡之罪。投河而死。後人贈詩云。郎恩葉落妾冰清。郎說黃金妾不應。假使偶然通一笑。三年誰信守孤燈。明建文時。燕王渡江。解縉胡廣與周是修約同死。難解。聞是修果死。復使人覘廣動靜。見胡方呼僕飼猪。還以報解。笑曰。彼猪尙不省捨官捨性命。乎。後同侍文淵閣。文皇曰。爾二人少同業。

仕同官縉有子廣宜妻以女廣曰臣妻方娠未卜男女上曰試
許之定生女也已而果然遂定約迨縉遭讒死舉家戍邊廣便
欲女改適女竊入室以刀截耳家人覺救血披兩頰泣曰薄命
之婿皇上主之父面承之一與之盟終身不改越數年解始蒙
宥女卒歸焉

從容就死實係萬難仗義靖節原出於一時激烈是修毅然
而死有其商量廣之囓指因腸不肯卽解之束看西探亦蚤
無死志久矣縉與廣旣負是修同死之訂廣又何妨負縉秦
晉之盟獨此女能彌其節操旣足媿父又足媿翁廣則旣已
愧縉又并愧其女賢哉賢哉是女當與是修合傳同旌並昭

千古

盧江毛義以行義稱鄉里。南陽張奉慕名往候。坐定而府檄適至。以義爲安陽令。義捧檄入內。喜動顏色。奉心疑之。後義母死。連喪不起。奉嘆曰。賢者固不可測。往日之喜。乃爲親屈也。

東平鄭均。矜尚廉節。屢辟不就。漢章帝東巡。特幸其舍。賜尚書。祿以終身。時號曰不尚書。

漢張奐擊匈奴降之。羌人遺以馬與金。奐以酒酹地曰。使馬如羊。不以人廐。使金如粟。不以人懷。悉舉還之。諸羌敬服。

司馬昭嘗爲王司空荀勗。謂太傅王祥曰。晉王尊重相率而拜無疑也。祥曰。王公相去一階而已。君子愛人以禮。我不爲也。

見昭烈長揖昭曰今日知君見顧之重也

梁陳霸先起兵討侯景○蕭勃止之○曰○京師覆沒○君辱臣死○
侯體則皇族○任重方岳○不能赴援○遣侯一軍○猶賢乎已○而更止○
之乎○乃遣使詣湘東王○釋受節制○

齊王高洋○滅盡元氏○定襄令元景安○請改姓高氏○兄景皓曰○安○
有棄其本宗○而從他人之姓者乎○大丈夫寧可玉碎○何能瓦全○
卒被誅○

宋劉溫○嬰性清介○開封尹光義○聞其節操○遣使資錢五百千○遣○
之○不敢卻○置廳事西舍○令府吏封識○乃去○明年端午○復送角黍○
純○所遣吏○即前送錢者○視西舍封記○宛然○

宋包拯峻直剛毅及知開封府貴戚宦官爲之斂手童稚婦女皆知其名呼爲包待制京師語曰關節不到有閻羅包老人以其笑比黃河清焉

范純仁論王安石新法乞賜退黜以答中外之望不聽求去不許未幾改判國子監去意愈決執政使諭之曰毋輕去已除知制誥矣純仁曰此言何爲至於我哉言不用萬鍾非所顧也每上疏切諫神宗知其忠悉不付外純仁乃盡錄申中書安石大怒乞賜貶竄帝曰彼無罪命知河中府

陽翟田晝與鄒浩友善每以氣節相激厲及孟氏廢劉氏立謂人曰志完不言可以絕交矣及浩以諫得罪遠竄晝田晝送

之途浩出涕盡正色曰使志完隱然官京師過寒疾不出年五
日死矣豈獨嶺海之外能死人哉願君無以此舉自滿士所當
爲者固未止此也浩收淚謝之

道君皇帝崩於金之五國城未弁在燕山爲文以祭曰嘆馬角
之未生魂消雪窖攀龍鱗之莫逮淚洒冰天服斬衰朝夕哭洪
皓聞之亦操文泣祭金人義之皆不之責

金人陷洛尹焞闔門被害焞死而復甦後劉豫聘之不從乃奔
蜀止於涪闕三畏齋以居州人皆不識其面後范冲舉以自代
始出爲崇政殿說書

洪皓留金十五年以和議成而還入對卽求歸養母帝曰卿忠

貫日月雖蘇武不能過豈可捨朕去耶及見秦檜語曰張和公
金人所憚乃不得用錢塘暫居而宮室皆極土木之華豈非示
人以無中原意乎檜不懌謂皓子适曰尊公信有忠節得上眷
但官職如讀書速成則易終而無味須如黃鍾大呂乃可後以
論事相忤出知饒州

贛州知州文天祥欲以身殉國使忠臣義士聞風而起乃舉兵
入蕭其友止之大祥曰樂人之樂者憂人之憂食人之食者死
人之事聞者莫不感動

元人徇饒州知州唐震死之初故相江萬里聞襄樊破鑿池芝
山後圖圍其亭曰止水人莫之喻及城破遂赴止水死

梁鴻有才德勢家多欲妻之並不娶同邑孟氏有女名淑字伯通
曜肥短黑醜力能舉石擇對不嫁年已三十父母問其故曰欲
得賢如伯鸞者方可與配鴻聞而聘之鴻家貧賃舂于皐伯通
廡下光每爲饋食必舉案齊眉深致敬禮終身不少怠

建安五年曹操擊劉備敗之備走依袁紹關羽守下邳與備后
及甘糜二氏共爲操所虜操欲亂其君臣之義使羽與后同居
一室羽恐法嫌乃積薪明燭坐以達旦

蘇武使胡爲單于所留官之不屈乃使牧羊於野外每至絕食
嚼雪吞氈如是者十九年出入必持漢節旄旄盡落匈奴詭言
武死妻子俱他適後寄書於雁足武帝射獵上林獲雁得書使

人索之遂得歸漢

建中靖國元年宋徽宗郊祭天壇陳無已從時天甚寒趙挺之與以一裘無已嫌其貪汚卻之不服竟至凍死

晏嬰相齊其僕爲御而出妻從門間窺其夫秉大蓋策駟馬意氣揚揚甚爲自得旣而歸妻請去夫問故妻曰晏子身不滿六尺相齊君名顯諸侯今觀其出志念深抑常以自下今子身長七尺爲人僕御觀子之意自以爲足是以求去其夫忤服後自損抑晏子怪之因以實對晏子乃薦爲大夫

許衡少時嘗暑中過河陽溝甚道傍有李正熟衆爭取啗衡獨危坐樹下或問之答曰非所有而取之於義不可人謂世亂無

王取之何礙答曰李雖無王吾心獨無主乎

曾子衣敝衣而哂魯君使人往致邑焉曰請以此修衣曾子不
受使曰非先生有求於人人自獻之奚爲不受曾子曰臣聞受
人者畏人予人者驕人縱君有賜不我驕也我能勿畏乎終弗
受孔子曰參之言足以全其節

張簡懿公鵬爲理漕都御史作自警銘書於淮陰行壑云嗚呼
小子淑慎爾止爾公爾廉天必福爾爾貪爾暴天必禍爾爾肯
畏天天必培爾爾忍欺天天必覆爾福善禍淫天實由爾栽培
傾覆天不爽爾天維顯思敢不敬爾庶幾夙夜於時保爾書揭
座右朝夕警爾嗚呼小子淑慎爾止

後漢宋弘爲太尉形貌品行俱過人光武姊湖陽公主新寡帝
與其論廷臣以觀其意主曰宋弘威容群臣罕及上曰試圖之
一日召弘問曰富易交貴易妻人情乎答曰貧賤之交不可忘
糟糠之妻不下堂上顧謂主曰事不諧矣

宋神宗朝王安石力行新法與劉恕友善欲引置三司條例恕
以不習金穀爲辭且曰天子方厲公以大政宜恢張堯舜之道
以佐明主不宜以利爲先安石怒遂與之絕恕亦托疾引去

曹爽謀反伏誅從弟文叔妻夏侯令女早寡無子父母欲嫁之
其女截耳斷鼻以守節家人勸之曰人生世間如輕塵棲弱草
何自苦乃爾女曰仁者不以盛衰改節義者不以存亡易心今

曹氏已歿何忍背之懿聞而賢之使乞子字養爲曹後

宋張栻親悟風成父浚愛之長師胡宏宏曰聖門有人矣孝宗嘗言仗節死義之臣難得栻對曰當於犯顏敢諫中求之若是平時不能犯顏敢諫他日安望其仗義死節乎其遠惡人尤嚴嘗肩輿出遇曾覲覲舉手欲揖栻急掩其窓栻舉手不能下學者稱爲南軒先生

陳亮才氣豪邁善談兵議論風生下筆千言立就志在經濟淳熙中詣闕上書極言時事孝宗將擢川之曾覲聞而往見亮以爲恥踰垣而逃覲不悅而歸及光宗親策進士以亮對爲善處人父子之間大喜御筆擢爲第一特賜狀元及第

韓退之愈昌黎人上佛骨表忤旨謫貶潮州因鱷魚爲患撰文致祭魚卽徙去後起爲京兆尹執法不撓六軍不敢犯日是尚欲燒佛骨何可相犯也

包拯少負盛名舉孝廉鼎革後削髮入空室絕跡城市躬自灌園再食不給怡然弗領

康熙戊申和州烈女陳冬青年四歲與本州黃氏聯姻夫諱鏊鏊越十五年而殒時歲癸亥陳年十九聞訃一慟幾絕卽閉門自經家人覺救乃不克死因求歸黃氏爲葬鏊之兄元鏊所聞越半載始得適黃親族勸其冠笄而往冬青曰我女子也知羞衺飾何以見夫君於地下乃緇素而前旣抵家爲具茶果進翁

姑謁家廟拜襲鉉木主盡禮盡哀姑慰解之伴爲怡悅姑心始安謂無他志乃作東致父母別兄弟姊妹夜半遂縊而死胞兄庠生謨爲作行實具憲請問

烈哉其陳氏之女乎予聞之始而駭旣而憐終焉起敬起畏不能不爲之援筆以紀其事夫女以冬青自名者蓋謂疾風知勁板蕩識忠亦取歲寒不凋之意因爲之誄曰嗟哉陳氏女俠烈定流馨慷慨能完節從容肯自經姓名千載著松栢萬年青慕義申憑弔悠悠慰汝靈○予族有節烈二俠女一係先伯六吉公女年十九適太倉庠生江孔殷完姻五月夫死閨棺畢卽自縊家人覺救不克死嗣後僞爲和悅示無死

意備稍弛週年作佛事薦夫適家間遣一老姬往候說言鼠
耗密令市批霜授酒飲之痛楚變常翁姑驚疑窮詰得實亟
宰羊血以解女曰媳嬾死志已久今始得遂計已決矣速斃
爲幸毋故苦我再四強之終不肯頃之七竅流血而死一係
先嫂顧氏下堡名宗也許字先兄可久十八而歿嫂年十七
聞變卽哀痛求死父母勸解不得果逾時有令改配意因斷
髮毀面請歸張守制長齋禮佛至四十四歲而卒於張惜未
經表揚迄今湮沒陳氏少女意卽其再身乎何以前後一微
也近日我吳有蘇駿公媳係松陵黃吳若女宋璠成媳係表
兄長庠生顧宣三長女俱年未二十未嫁而寡成殉義不嫁

守節夫家皆堪表彰。以風世者。因附詩簡末。以垂不朽。

吳江陳貞女諸生星聚之女。許字屠弘德。子應。年十五。母卒。卽迎養於屠氏。然夫婦未嘗一覲面也。歸居三年。而應權卒。卒之時。值嚴寒。風雪透裘。女服麻單衣。之以絮。數推去。掩面泣不止。蓋欲以身殉也。應權卒三年。星聚迎女歸。復許婚他氏。女微聞。卽慟哭。嘔血數升。仆地扶之。牀遂奄奄待盡矣。弘德遣姬往訊。女執姬手泣曰。我忍死以待若。若今來。幸語吾翁。吾死魂魄當歸屠氏耳。姬歸告弘德。弘德往視女。目將瞑矣。聞弘德聲。張目曰。翁爲我來耶。遂卒。時康熙丁卯八月十五日也。

明神宗雅重海瑞。十三年乙酉起爲南京都御史。到臺日以風

紀始於御史值一官設戲宴集諸人謂曰爾等聞高皇帝有杖
御史法乎命以杖杖之衆皆慄慄後卒於官會都王用汲人視
葛轉敝簾蕭然無餘物破其篋僅十數金因嘆息泣下士夫醺
金爲殮民痛哭之罷市十日及出峯江上白衣冠揭櫂素而送
者滿道路壺簞之祭數百里不絕詔贈太子太保謚忠介

明神宗時崑山歸善世妻十九來歸二年而夫死卽引刃自殺
母抱持勸慰婦曰兒已許夫死矣因自數宜死者四年少宜死
無子宜死舅姑已老異日無倚宜死舅姑自有子奉養無獨煩
我宜死力趣市棺曰我婦人死應卽殮不可露尸竟閉閤自經

清康熙甲子八月中州人湯潛菴斌奉命撫江南蒞任以設推

食吳中一杯水曾不受公私半文錢興學校講鄉約崇節義敦孝及尚儉朴毀淫祠禁豪強絕賭博專務以德化民改過卽止安靜簡率無爲而治丙寅清和內召回京士民攀轅泣留罷市廢業公以輔相東宮任大責重星馳赴都去之日止有圖書數篋人謂海忠介周文襄再見云

弘治間劉大夏爲兵部尚書有甘肅副總魯麟貪狡說詐結納嬖倖求爲掛印總兵不得遂棄官歸大同以家積黃白數十萬復遣使密請大夏所願賜資佩印大夏語曰苟篤忠貞且爲國家名將何掛印之足言今歸未旬日遽求起用於理不可固卻之麟遂怏怏而死

嘉靖十九年江西烈婦胡氏適同邑李華華隨父遠商姑易氏
縱酒好淫日與惡少通姦胡氏貞白自誓又不欲顯言姑惡時
時切諫姑及惡少屢計圖辱以戒其口卒不能污乃百端凌虐
荼毒八年始終一節後竟謀之致死撫按廉得其事上之勅賜
旌表爲立祠名哀烈并命窮治惡少與姑罪

雪○膺○焚○餘○孽○救○烈○婦○楊○氏○株○陵○丁○八○之○妻○丁○初○溫○飽○而○好○爲○遊
閒○不○務○生○產○赤○貧○骨○立○至○謀○鬻○婦○婦○不○許○丁○說○再○三○而○婦○持○益
堅○丁○乃○陰○覓○偶○立○券○售○婦○弗○使○婦○知○及○期○偶○者○且○來○購○婦○丁○始
以○實○告○婦○知○不○可○解○輟○黃○昏○懷○其○三○歲○兒○間○行○至○成○賢○橋○東○
拋○其○兒○於○沼○而○旋○以○身○繼○之○立○刻○殯○

清須沈氏女秀娘嫁陸氏陸有女名蟾姑甚相得壬午流寇陷
清須陸氏舉家竄秀娘與蟾姑以巾連屬手臂相率投簪片每
至昏暮有二白鷺飛翔井上人以為二女之精靈云

寶姬名善惠京師崇文坊人餘姚姜榮納為姬榮以冬官郎謫
瑞州判署江都篆正德辛未夏五華林賊陷密戎至郡署榮倉
卒以印付姬藏人掠其子婦姬藏印池水中挺身出賊釋子婦
執姬去行十里許民有父子被擄者姬謂留其子父可釋也盍
令歸報官以金帛贖我賊信之乃密語印所在且日寄語家人
勿我顧我義不辱身貽筠人笑至花鄆遇道傍井給以渴甚欲
自取水遂赴井先越朝出其屍玉色如生詔旌貞烈賜祭及碑

立廟祀之。筠人號其井爲貞泉。

崇禎壬午，流賊陷南陽。內鄉人許宣、許家、許官、兄弟居山寨，固守。賊破內鄉，設僞官宣等，率義勇襲之，擒僞知縣王濬。賊帥怒，驅衆力攻許氏寨。寨遂破，家生母常氏先墜井死。家繞井悲號，遂入井。宣妻鍾氏、家妻陳氏自縊。妹許氏嫁布政李公子占鰲，寡居。從母兄亦自縊。賊剝鍾墜，將脇辱。皆厲罵。一賊謂許氏曰：「我孝廉也，汝好順我，我不殺汝兄弟爲婚姻。」許氏大罵曰：「汝旣云孝廉，負義辱身，甘從賊。又欲犯吾名門婦耶？」時賊方肆焚火，烈甚，欲奮身入火。賊刃交下，析骸死。鍾氏、陳氏皆死。巡按李若琛以許氏死節，聞特旌焉。

乙酉閏六月十二日吳郡兵起闔城內外火光燭天諸生宋實
穎謀奉親避兵母葉氏儼然正色曰春秋美伯姬不避火也火
尚○不○可○避○况○兵○乎○且○丈○夫○各○鳥○獸○散○猶○可○以○保○身○吾○婦○人○也○避
將○安○之○翌○晨○有○持○刃○而○入○者○葉○氏○卽○赴○井○死○仲○子○實○栗○年○僅○十
七○號○泣○於○井○旁○曰○吾○母○旣○已○死○矣○兒○何○以○生○爲○亦○投○井○殉○焉○萊
陽姜坎爲作節孝傳傳世

泰寧諸生廖愈達妻李氏以無子勸納汪氏張氏爲妾歲丙戌
愈達挈家避亂石欄之新塘坑於寓室得國變錄一冊愈達取
閱之○瘞作中止李氏乃盡夜讀至竟明日呼二妾告曰甲申三
月十八日簡討汪偉知京城不守誓死爲厲鬼殺賊夫人耿氏

日妾則請從十九日聞賊破耿夫人與偉同縊以死李氏語至是哽咽不能出聲淚落如雨二妾亦相持悲號九月走南石砦兵至李氏展兩手投崖下愈達携二妾奔別崖岩中搜牢兵至張氏投崖死汪氏亦聳身騰下投崖石之右復擊而搏於崖左若支解然

明趙司成永一日過魯學士鐸邸魯問何之趙曰今辰爲李西涯先生誕將往壽魯曰當偕往又問以何爲贄趙曰僅怕二方簪口予亦應如之及啓筭索怕無有躊躇良久憶里中曾饒有枯魚令家人取之報云食僅存半公度家無他物卽以其半持李乃烹魚置酒以酌二公暢飲盡歡卽事唱和而罷

明世宗時楊爵翁介清苦不合於時適居家有旨逮繫官校以屬按臣相過同往會爵方食止有麥飯一盂蔬菜一盤見按臣至卽延之同享甫畢校卽入轎爵卽與偕行按臣曰盍亦一內別乎爵曰去矣復何顧官校吐舌云楊公慷慨乃爾在獄七年後以宮中被火詔釋歸方抵家忽有大鳥集舍爵曰吾將死矣自爲墓誌果卒

公得毋楊震子孫乎何以死亦致大鳥也想其一生四知之戒必凜之熟矣

唐陸龜蒙家姑蘇門有一巨石乃遠祖績爲鬱林守罷歸無裝舟輕難以越海乃取以壓鎮者人號廉石迄今尙存

宋鄭俠上流民圖罷歸囊止一拂因自號一拂居士少時曾讀
書清涼山門人就地祠之葉文忠公向高榜其門聯曰諫草有
千言自信丹書能悟主歸裝惟一拂可知琴崔亦妨人

明李遠菴性廉介一毫不取鄭澹泉乃其得意生一日侍坐最
久有布鞋在袖逸巡不敢進公問何物對曰曉妻手製一履欲
送老師公見其誠取而着之生平所受惟此

錢崔澹請告過維揚適門生爲守道使迎謁令大賈爭先餽贈
公曰病夫來看廣陵濤差有起色并一問瓊花消息耳初無心
跨崔也遂潛歸追之不得

章拯楓山之侄官至司空清操與叔等致政歸有餘俸四五百

金楓山知之愠曰汝此行做一場買賣同大有生意甚有愧色
左丞相李興有清行其妹劉晏妻也晏方秉權嘗造廡延至寢
室見門簾甚敝因潛度廣狹以錦繡織成加之緣飾三攜至門
終不敢發言而返

後漢劉寵爲會稽守召爲將作大匠臨行山陰老叟五六輩各
獻青蚨百文泣送曰明府下車以來犬不夜吠民不見吏今聞
當遷將棄我去故特持送寵甚憐憫爲每人遺一大錢受之
楚昭王夫人齊國女也王出遊留於漸臺江水大至王遣使迎
之忘持符夫人曰向與王約召必以符今來人不持符未敢輒
行使者急還白王取符復至臺早崩夫人已溺死

海瑞晉南畿冢宰以幣物賀者俱不受。鄒元標以青蚨三十文入賀。出諸袖中。海喜曰：「如此方是受之。」過數日置酒。酬款惟餽四簋餅一盤酒數巡而已。

明文皇入正大統。怒鐵鉉拒命。擒至殺之。其家屬發教坊司爲樂婦。有二女入司。數月終不受辱。有問官至。各獻詩以明志。奏上文皇曰：「彼終不屈其志。可憐。」乃赦出之。命適士人。

唐進士梁震歸蜀。過江陵。梁荆南節度使高季昌留之。欲奏爲判官。震恥之。欲去。又恐禍及。乃曰：「震素不慕榮名。明公不以爲愚。必欲使參佐。但以白衣侍樽俎可也。」從之。終身止稱前進士。不受高氏辟署。

遺愁集卷之四

○○一集仁厚

忠○以○存○心○恕○以○待○人○慈○悲○爲○本○方○便○爲○門○盛○德○長○者○篤○厚○性○
成○克○已○復○禮○天○下○歸○仁○集○仁○厚○

漢○韓○延○壽○爲○潁○川○太○守○以○禮○讓○教○民○或○有○欺○之○者○卽○痛○自○刻○責○
曰○豈○其○負○之○何○以○至○此○聞○者○自○傷○悔○至○自○刎○及○爲○左○馮○翊○出○行○
高○陵○民○有○兄○弟○訟○田○者○延○壽○大○傷○曰○骨○肉○忿○爭○咎○在○馮○翊○因○閉○
閣○思○過○訟○者○交○悔○由○是○恩○信○遍○周○吏○民○不○忍○欺○

劉○寬○歷○典○三○郡○溫○仁○多○恕○吏○民○有○過○不○忍○加○刑○但○用○蒲○鞭○罰○之○
示○辱○而○已○卒○皆○感○悟○不○敢○輕○犯○

漢桓帝時詔書下舉鉤黨諸郡甚多。惟平原相史弼一無所上。從事詰責曰：「青州六郡五都皆有黨，平原何治而獨無？」弼曰：「五郡自有平原，自無何可相比？若承望風旨，誣陷良善，所不能也。」王和戒子訓曰：「吾以沉默渾濁爲汝名者，欲若曹顧名而思義也。凡物速成則疾亡，晚就則善終。人或有意毀已者，宜退而求諸身。若已有可毀則彼言當矣，已無可毀則彼言妄矣。當則無怨於彼，妄則無害於身。語云：『救災莫如重裘，止謗莫如自修。』信哉。」新城劉弘都督江漢，威行南服，每有徵發必手書守者，叮嚀款密，人咸心悅。爭赴，每相感曰：「得劉公一紙書，賢於十部從事。」陳岷州刺史辛公義凡有訟須禁者，卽宿廳事，終不返閤。引。

責躬罪人嘆服後有訟者鄉里父老咸勸曉和解之曰此小事何恐勞使君相讓而止

平鄉令劉瓚有異政訟者皆以義理曉之使引咎而去不尚刑罰獄中草滿庭可張羅高頰薦之爲荅州刺史

盜發郭子儀父塚人以魚朝恩與子儀有隙疑其使之子儀入朝咸憂其爲變及進見上先語及乃流涕曰臣久將兵不能禁戢士卒多發人墳墓今日至此實天譴非人事也朝廷乃安

丁謂貶爲崖州司戶初寇準被貶京師語曰欲得天下寧須拔眼中釘欲得天下好莫如召寇老不半載謂亦被貶人盡以爲天道報復之速謂赴崖州道出雷州準以蒸羊迎之境上謂甚

漸請相見。準辭之。聞家僮欲謀報讐。乃杜門。使群奴縱博。候謂遠行乃已。

太上皇以書問革政之事。其故云何。李綱具道。皇帝仁孝。思慕且日。勿問細事。上皇悟。出玉帶金魚象簡以賜綱。

宋吳中復請召還唐介。仁宗言於文彥博。對曰。唐介頃言臣事多中。臣病其間。雖有風聞之報。然當時責之太深。請如中復奏。乃召介知諫院。時稱文公爲長者。

明正統中。宗伯胡濙一日。黃朝承旨跪起。帶解落地。從容拾繫之。面不轉色。遂叩頭還班。御史不能糾其失儀。十三年。彭時中狀元當上表謝恩。是夕坐以待旦。至四鼓困倦。乃隱几而寐。竟

爾失朝糾儀奏言應令錦衣衛傘已奉旨行灤出班奏啟彭時
不到合着錦衣衛尋使一新狀元遂被拘執如囚人斯文不雅
上深是之

唐李封爲延陵令吏人有罪不加杖責但令裹碧頭巾以辱之
隨所犯輕重以日數爲等次日滿乃釋若此冠出入者以爲大
恥皆相勸勵無敢再犯稅賦當先諸縣竟去官未嘗答一人
漢光武徵劉昆爲光祿勳問曰間在江陵反風滅火後守弘農
虎北渡河行何德政而致是事對曰偶然爾左右皆笑上曰此
長者之言也顧命書之策

漢曹參入相一遵蕭何約束唯日夕飲醇酒一無所事客有爲

言者則輒以醇其飲而已。民爲之謠曰：蕭何立法既明，且拮曹參代之守，而勿失適有公廨與相國園鄰，群吏日歡呼暢飲於中，聲達內庭。左右咸幸，相國遊園聞而治之，參知其意，乃布席置酒，亦數呼相應。左右乃不復有言，而吏亦不敢再肆。

漢直不疑爲郎官，同舍郎有告歸者，誤持一同舍郎金去。郎意不疑不疑，弗辨，買金償之。後歸者至而歸前金，金郎大慚，謝人以不疑爲長者。

晉顧榮與同僚飲，見行炙者有欲炙之色，乃以已炙與啖之。同座悉笑。榮曰：豈有終日炙之而不知其味者乎？後趙王倫篡位，榮任難，忽一人奮身而前，榮甚感其誠，詢之，卽受炙人。

唐陽城微時冬月絕糧遣奴求米於友奴以米易酒醉臥路旁
城候久不至往迎之見奴未醒乃自負歸及奴覺來謝罪城曰
寒而飲何害也

馮當世京父爲商壯年無子將之京妻以金授之日君未有子
可以此置妾迨抵京買妾立券身錢已償因問所從來妾泣不
言固詰之云父爲運官督糧欠折需身以償遂惻然不忍犯
遣之還不索其值及歸妻詢妾安在具告以故妻嘆曰君用心
如此何患無嗣居數月妻果娠將誕里人夢鼓吹迎狀元乃生
京後父屢行善事旅邸得金數百竟不行候失金者至還之至
墓祭掃適見有盜其墳木者方踞樹顛恐墮而傷止不前嗣其

下方進論遣之不爲較家日貧京讀書於嵩山僧舍僧有肥犬
同學者其食之僧訴於縣株連及京京遂獨任其事畧不推
委令乃命作偷狗賦援筆立成中有警聯云團飯引來喜掉續
貂之尾索絢牽去驚回顧兔之頭令擊節稱善遂釋之延之坐
贈以厚資俾得入試明年遂作三元

宋遣王全斌伐蜀時汴京大雪太祖曰我被服如此體尚覺寒
念西征將士何以堪處卽解所着紫貂裘帽遣中使馳賜復傳
諭諸將士曰不能遍及也全斌拜受感泣故所向有功

高皇后馬氏性恭儉嘗服澣濯之衣日常爲天地惜福或上怒
回宮必詢處何事憾何人從容泣諫不可暴怒冤枉殺人活一

性命子孫獲福國祚悠長及病劇不肯服藥強之必不從曰死
生有命虛扁何益使服而不瘳寧不以愛妾之故而遷怒諸醫
乎及崩上慟悼終身不復立后

洪武初李文忠捷音至中書省請榜示天下上見其詞侈大責
曰宰相須知大體元主中華將已百年朕與卿等祖父皆賴其
生養與亾自是氣運於朕何預而以此誇張四方識者見之口
雖不言心必爲非其改之尋送元孫買的里八剌至京楊憲等
請獻俘太廟上曰元實中國主此禮不忍加着以本色服進朝
封崇禮侯

洪武丙子大賚致仕功臣諭曰朕思起兵時年皆少壯今老矣

久不相見。心恒思念。故召爾等來。少盡淵懷。所資薄物。以助養老。爾等還家。撫教子孫。以終天年。衆皆感激叩謝。多有墮淚者。建文以長興侯耿炳文爲大將軍。帥兵三十六萬分道北征。成之日。昔蕭繹舉兵入京。令其下曰。一門之內。自極兵威。不仁已極。爾將士與燕王對壘。務體此意。無使朕負殺叔父名。

以師尚書夏原吉。性仁厚。量寬平。嘗有吏汚所服金織御賜蟒衣。懼欲逃。原吉曰。衣可浣。何懼爲。又吏壞所愛寶石硯。匿不敢見。原吉召諭曰。物必有壞。吾未嘗惜。在部吏捧檄文書押之。因風汚墨。肉袒待罪。原吉曰。風觸所致。汝何與焉。明日袖至上前。自咎不謹。懇請易之。嘗夜閱文書。撫案嗟嘆。欲下而止者再。

夫人問故曰適所批歲終大辟贖吾筆一下死生立決是以慘
沮心有所不忍也

天順二年遣建文次子建庶人出居鳳陽幽禁大內五十餘年
上欲寬之謂李賢曰親親之義實所不忍賢曰陛下此念天地
鬼神實臨之太祖在天之靈實臨之堯舜仁心不過於此左右
以爲不可上曰有天命者任自爲之遂遣宥聽其婚嫁出入無
禁入禁時方二歲至是年五十六出見牛羊犬馬亦不識東西
南北亦不辨

明初吳江顧能號樂靜鄉人嘗從之貸米吳俗賦尚冬春以米
尚熱恐及此取去或多耗損辭不與鄉人懇之恐乃將米一斛

更○審○屬○其○氣○計○其○所○耗○之○多○寡○而○加○補○焉○樂○靜○之○條○布○法○義○字
惟○正○有○僕○沈○原○母○病○痿○將○死○原○不○敢○歸○視○而○流○涕○不○已○惟○正○問
知○之○卽○率○原○往○視○其○母○獨○臥○一○室○目○猶○未○瞑○問○所○欲○曰○思○飲○耳
乃○汲○水○與○之○復○歸○取○粥○食○之○時○鄰○人○相○成○不○敢○入○室○惟○正○獨○與
原○親○問○遺○之○日○再○往○如○是○者○月○餘○原○母○卒○無○恙○有○司○聞○其○行○誼
屢○請○爲○鄉○飲○賓○謝○不○赴○時○稱○其○有○世○德○云

隋○李○士○謙○以○粟○數○千○貸○鄉○人○值○歲○歉○無○償○乃○召○至○設○酒○食○悉○焚
其○券○曰○債○了○矣○明○年○大○熟○爭○來○納○完○拒○之○不○受○或○曰○子○陰○德○多
矣○士○謙○曰○人○所○不○知○方○爲○陰○德○今○吾○所○爲○子○已○知○之○何○謂○陰○德
沈○特○貶○筠○州○售○一○幼○妾○夢○見○其○行○七○年○後○歸○呼○妻○受○辱○使○嫁○之○

仍然處子或獻詩云昔年單騎赴筠州
覓得歌姬共遠遊去日
正宜供夜直歸來渾未識春愁
禪人尚有香囊愧道士猶懷炭
婦羞鐵石心腸延壽藥不風流處却風流

孔寺丞牧所居園圃近水有夜涉盜蔬菓者孔曰晦夜渡水或
致陷溺卽爲設橋引之盜聞慚感永不復至

吉人羅雙泉循上計春官失其囊中扇褐同舍生不自安物色
其竊者給循訪之入座故探其囊出示曰是不類君物耶循急
趨出慰其人曰物偶相似生醉言耳歸復語生曰予失褐何損
彼得惡聲尙能齒士類耶生始謝不能及

范文正知越州有屬官孫居中卒於任于幼家貧助以俸錢百

縉○具○舟○遣○卒○送○歸○以○詩○作○榜○日○十○口○相○依○泛○巨○川○來○時○暖○熱○去○
淒○然○關○津○毋○用○多○盤○詰○此○是○孤○兒○寡○婦○船○

卞○三○萼○館○於○懷○氏○有○女○窺○伺○卞○不○顧○一○日○晒○履○於○庭○女○復○作○書○
納○其○中○卞○得○之○卽○託○事○辭○歸○怡○杏○翁○知○之○作○詩○咏○其○事○有○一○點○
貞○心○堅○匪○石○春○風○桃○李○莫○相○猜○之○句○卞○不○受○且○答○書○辨○其○無○此○
事○怡○賦○其○書○而○題○云○德○至○厚○矣○

張○文○節○在○政○府○國○封○慶○時○入○覲○莊○獻○后○見○二○婢○老○醜○勅○妙○年○二○
女○饒○服○以○賜○公○歸○知○之○指○曰○此○乃○夫○人○廢○也○出○無○所○歸○但○二○姝○
齒○未○及○笄○令○守○一○老○翁○不○甚○無○謂○雖○太○后○慈○憫○予○志○不○可○踰○遂○
名○其○父○兄○折○券○贈○資○以○令○嫁○

楊○素○德○冠○一○時○鄰○家○構○舍○誤○墜○其○簷○溜○公○不○問○曰○晴○日○多○雨○日○少○無○害○也○又○侵○其○址○公○題○句○云○普○天○之○下○皆○王○土○再○遇○些○兒○也○不○妨○其○家○大○慚○謝○

明○穆○宗○嘗○食○鹽○腸○而○甘○左○右○請○詔○光○祿○上○日○恐○或○以○此○爲○何○光○祿○必○至○日○殺○一○驢○以○備○宣○索○吾○不○忍○也○

馮○恭○敏○森○之○父○四○十○始○誕○子○眉○目○如○畫○保○若○拱○璧○偶○婢○抱○撫○失○手○跌○傷○左○額○死○封○翁○急○呼○婢○奔○避○自○抱○入○曰○吾○自○跌○死○婦○爲○痛○撞○翁○倒○者○再○索○婢○無○有○婢○歸○母○家○言○其○故○感○泣○顧○天○顯○公○早○生○貴○子○次○年○生○森○傷○痕○宛○然○

余○六○世○祖○文○理○公○敝○別○號○南○阜○自○南○渡○到○吳○甘○居○對○溪○一○生○任○

俠好義周急扶危之事不可枚舉重建丹里塘黃石井亭諸大橋費幾千金又創立社學復建義塾橋以渡村童延里中耆儒陸大志爲塾師捐肥田四十畝以供修膳閭里賴以知書者甚衆母薛氏壽躋百齡稱觴日子孫男女至親五十三人文徵明祝允明咸爲作家慶圖記復請勅坊旌表賜名人瑞堂曰遐壽今坊尚存載在郡誌

古二渡橋在金鏡湖濱相傳始於東晉按查舊碑載明成化七年里人張敞捐貲獨建吾宗爲留侯之後更以黃石名焉至鼎革圯廢康熙丁卯春呈憲請行因與許定升陳紹重建今復鼎新兩里許氏及勝各有碑記

終